

入寇

唐蓋編目

二六一

索諭科爾沁誘令深入

分三路出兵

決計親征噶爾丹

先是噶爾丹率衆夜遁後遣使至歸化城聲言入貢下詔徵之不報而侵略喀爾喀益甚屢書索土謝圖汗及哲卜尊丹巴大喇嘛且害及使臣又陰誘內蒙古各部使叛歸已科爾沁土謝圖親王以聞帝以前此烏蘭布通之役噶爾丹幾被擒忽中其計舍之不追坐失機會欲復致甚來一戰殲之乃密諭科爾沁諸部令復書偽許內應誘令深入而預調士馬芻糧以待議分三路出師以大創之本年九月噶爾丹果率騎三萬沿克魯倫河一作臨胸河發源外蒙古車臣汗部大肯特山流入黑龍江而下侵略至巴賴布通帝卽命將軍薩布素引東三省兵會科爾沁兵出東路以費揚古爲撫遠大將軍會同甘肅提督孫思克引陝甘寧夏兵出西路十二月復命都統伊勒慎護軍統領費揚古瓦爾達副都統碩岱將軍舒恕參贊大將軍事務共討噶爾丹

丙子三十五年春二月帝親征噶爾丹命皇太子留守京師

去年九月噶爾丹率兵三萬沿克魯倫河而下自秋徂冬踞之不去帝因決計親征諭各部院衙門凡事俱著皇太子聽理自引大兵由獨石口出中路令將軍薩布素出東路大將軍費揚古出西路分道並進皆赴瀚海而北約期夾攻沙磧不宜車行乃留大礮馱子母礮而行每止營帝親視軍士

手繪地圖指示方略

噶爾丹拔營宵遁

費揚古大破噶爾丹於昭莫多

結營畢然後休息師行七十餘日不見敵五月大兵由科圖進逼敵境諸臣以沿途阻雨士馬餒困乞待西路之師同進途次復傳有俄羅斯助兵之信大學士伊桑阿等力請回鑾帝不許曰朕祭告天地宗廟出征不見賊而還何以對天下遂率師疾趨克魯倫河手繪地圖指示方略並遣使告噶爾丹噶爾丹不信登北猛納蘭山望見黃屋龍纛環以幔城又外爲網城軍容山立大驚拔營宵遁翌日大兵至河則北岸已無一帳矣克魯倫河者起車臣汗西界東北近黑龍江橫互瀚海東北二千里乃內外蒙古之界河也帝初意敵必扼河拒戰故兩路出師攻其腹背及是知敵已喪膽遂命領侍衛內大臣馬思哈搜討巴顏烏蘭在蒙古車臣汗西部地近地自率前鋒追之三日至拖諾山不及而還

五月大將軍費揚古大破噶爾丹於昭莫多 是月帝命內大臣明

珠盡運中路之糧以濟西路兵西路大將軍費揚古遇噶爾丹於昭莫多

遵帝所授方略皆下馬步戰約聞角聲始上馬將軍孫思克以綠旗兵據

山頂臨之大同總兵官康調元率滿洲漢軍就西方沿河布陣敵爭山頂

厥鋒甚銳官兵據險俯擊弩銃迭發藤牌繼之敵冒矢礮鏖鬥自未至酉

可敦阿弩戰死

老胡吹笳作歌

二次親征噶爾丹

不退人人如怒虎。林木皆震。費揚古遙望敵陣。後人馬不動。察知為婦女。駝蓄所在。乃麾沿河伏騎。分為兩隊。一橫衝入陳。一襲其輜重。山上軍奮呼夾擊。敵始敗潰。追北三十餘里。斬數千級。降三千人。獲馬駝牛羊廬帳。器械無算。噶爾丹之妃可敦阿努死焉。阿努頗智。敢戰披銅甲。佩弓矢。騎異獸。似駝者。精銳之兵。悉隸其麾下。至是遂斃於礮。噶爾丹以數十騎遁。捷奏至。帝命費揚古留防。科圖護喀爾喀游牧地。親撰文銘功。勒石於察罕拖諾山。及昭莫多之山。而還。車駕次歸化城。勞西路凱旋兵。大享士。費揚古獻俘行帳。有老胡工笳。口辨有膽氣。兼通漢語。帝賜之酒。使奏技。歌曰。雪花如血撲戰袍。奪取黃河為馬槽。滅我名王兮。虜我使歌。我欲走兮。無駱駝。嗚呼黃河以北。奈若何。嗚呼北斗以南。奈若何。帝大笑。遂旋師。六月癸巳。至京師。

綱秋七月。命修平定朔漠方略。九月。帝巡幸塞外。冬十二月。還京師。

綱丁丑三十六年春二月。帝復親征噶爾丹。夏四月。噶爾丹自殺。準部平。

圖初噶爾丹之徙帳阿爾泰山也。經營喀爾喀。戀漠北地。久不歸。其西部伊犁舊部落。盡為兄子策妄喇布坦所據。自阿爾泰山以西。皆非已有。

所歸
歸
無

自殺
噶爾丹

歸牧
遺三汗

又連年與中國戰爭。精銳盡失。回部青海。又皆乘機叛去。噶爾丹窮蹙無所歸。欲取道翁金河。至哈密謀進止。又為清軍之留屯翁金者所敗。勢益窘。三十五年十一月。帝復幸歸化城。召見其使者格壘沽英。欲因以降之。

帝諭格壘沽英曰。爾還語噶爾丹。令其親身來降。否則朕必往討。朕在此地行獵待爾。限七十日。內還報。如過此期。朕即進兵矣。止立限遣發之時。包衣大達都。以奏。御用米糧將盡矣。帝怒曰。達都虎搖惑衆心。可斬也。如極盡。則取湖灘河朔之米。何慮之有。權雖盡。朕必留雪窮。追斷不同師。宜諭後。又將往。幸邁達禮廟。道鄉導修路。於時諸軍皆不命。既遣格壘沽英復使人。隨之出二十里外。帝遂命班師時。噶爾丹卒。倔強不奉命。帝以噶爾丹終無投誠意。三十

六年二月。復詔親征。渡黃河。幸寧夏。命內大臣馬思哈及薩布素會費揚古兵。大舉深入。噶爾丹震懾。不知所為。欲西歸伊犁。則根據地已失。策妄阿拉布坦。方將伏兵於途。擒而獻之。欲南投西藏。則清兵絕其交通之路。不得出。不得已。乃以是年閏三月十三日。飲藥自殺。策妄阿拉布坦。以其骸骨及一女來獻。所部盡降。自阿爾泰山以東地。悉入版圖。詔遣土謝圖等三汗復歸牧。勒銘於狼居胥山。五月還京師。

○秋七月。帝巡幸塞外。九月還京師。

○冬十月。免山西通省三十七年地丁米銀。

○戊寅三十七年春正月。帝西巡。○癸丑。帝巡幸五臺山。甲辰至涿州。

命減廣東海關稅額

二月戊辰還京師

三十七年夏四月命減廣東海關稅額 諭大學士等廣東海關收

稅人員搜檢商船貨物概行徵稅以致商船稀少關稅缺額且海船亦有

自外國來者如此瑣屑甚覺非體著減額稅銀三萬二百八十五兩著為

令

永定河成

秋七月永定河成 河道總督于成龍奏霸州等處濬新河已竣乞

賜河名並敕建河神廟得旨照該撫所請賜名永定河並敕建河神廟立

碑

帝奉皇太后東巡詣盛京謁諸陵冬十一月還京師

己卯三十八年春二月帝奉皇太后南巡 一月癸卯啓鑾三月庚

午渡河泊清江口閱視高家堰歸仁堤等工辛未閱爛泥淺等處壬申閱

視黃河隄岸駐淮安府丙子駐揚州府癸未駐蘇州府戊子至浙江辛卯

駐杭州戊戌回鑾四月庚子駐蘇州己酉駐江寧庚申駐揚州五月庚午

命兩江總督張鵬翮扈從入京以陶岱署兩江總督辛未泊舟仲家閘乙

酉至京師

奉皇太后南巡

郭琇總督湖廣
湖廣熟天下足

以河圖示大學士

六月以郭琇爲湖廣總督。諭曰：當今凡事俱可緩圖，惟吏治民生最難刻緩。諺云：湖廣熟天下足，江浙百姓全賴湖廣米粟。朕南巡江浙，詢問地方米貴之由，皆謂數年來湖廣米不至，以致價值騰貴。然楚省官吏並未奏報水旱，又聞湖南百姓甚苦，皆由興永朝王樑、楊鳳起三人相繼擾害所致。現任總督李輝祖可召進京，以侍郎用。原任左都御史郭琇前爲吳江縣知縣，居官甚善，百姓至今感頌。其人具有膽量，無朋比，可補授湖廣總督，令馳驛赴任。

○秋七月，帝巡幸塞外，九月還京師。

○以河圖示大學士。帝以河道總督于成龍所繪河圖示大學士等。

諭曰：今四海太平，最重者治河一事。朕前巡視，知水之不治，由洪澤湖水勢過大，既不能洩，又加黃運兩河合併，勢愈浩瀚，以致泛溢。昔時原有歸仁隄，遙爲捍禦，此法最善。今已淹沒，不可考。靳輔則築減水壩，名爲減水，而四處奔瀉，漂決甚多。彼但顧上河而不顧下河，水何以治？朕惟有導河稍北，使彼不得侵入清水，而疏洩洪澤湖使之下流，全用清水以刷沙淤。如此則水自無不治矣。今歲南巡，見黃河逼近清口，黃水倒灌，以致淤墊。

巡視永定河

張格使蒙古

河督于成龍卒

洪澤湖水不出自高家堰減水壩流入高寶諸湖自高寶諸湖流入運河以致下河田地盡彼淹沒朕深為軫念又曰靳輔董安國于成龍但知築隄禦水至於改河身使北俾清水通流並未言及若不令清水通流雖修築隄岸黃水終致倒灌焉能禦之

綱庚辰三十九年春正月帝巡視永定河 目正月癸亥啓鑿二月乙丑閱化家口攔河壩丁卯閱筐兒港衝決之處辛未乘舟至靜海縣東閱子牙河堤甲戌閱郎城柳岔等處辛巳還次南苑壬午回京師

綱三月命左通政張格往蒙古 目左通政張格以差往審理蒿齊忒等旗案並教養蒙古請訓帝曰蒙古性情怠惰愚蠢貪得無厭不可以內地之法治之順其性以漸導方能有益初到時亦不可即行給助始若過優恐後不繼宜視其困乏漸行補助且蒙古惟信喇嘛一切不顧此風亟宜變易儻喇嘛等有犯法者爾等即按律治罪令知懲戒

綱夏四月河道總督于成龍卒 目成龍漢軍鑲紅旗人字振甲以蔭生授樂亭知縣官至河道總督與前兩江總督諡清端者同姓名同以廉介稱督河時嘗於沂河兩岸築隄一萬八千一百八十丈至是卒諡襄勤

改攔黃壩為大通口

詔停宗室考試

欲開風聞言事之例

許科道入官風聞奏

○六月詔改攔黃壩為大通口。○前河道總督于成龍卒。詔以張鵬翮代為河道總督。至是鵬翮奏臣遵旨看視海口。將攔黃壩盡行拆去。河身開濬深通。於五月初九日完工開放。水勢暢流。衝刷淤沙。旬日之間。深至三丈。寬及百丈。有餘。滔滔入海。沛然莫禦。乞將攔黃壩之名改稱大通口。以垂永久。並建海神廟。以答神庥。帝准奏。賜名大通口。並勅建海神廟立碑。

○秋八月。詔停宗室考試。○諭大學士九卿等。今科鄉試。曾令宗室考試。宗室朕素加恩。何患無官。嗣後停其考試。

○冬十月。詔有關係民生者。許科道官以風聞入奏。○諭大學士等。臣下賢否。朕處深宮。何由得知。緣朕不時巡行。凡經歷之地。必咨詢百姓。以是知之。因此朕欲開風聞言事之例。科道官以風聞題參。即行察該督撫賢者留之。不賢者去之。如此則貪暴斂迹。循良競勸。嗣後各省督撫將軍。提鎮以下。教官典史。千把總以上。官吏賢否。若有關係民生者。許科道官以風聞入奏。倘懷私怨。互相朋比。受囑託者。國法自在。著傳諭滿漢掌印。與不掌印科道官員知之。

十一月帝巡幸邊外十二月還京師

辛巳四十年春二月帝巡幸畿甸閱視永定河庚辰還京師

三月命郎中馬爾漢往喀爾喀帝命馬爾漢等往喀爾喀教養家

古諭曰喀爾喀家古其性無常且不知足爾等至彼慎勿多與之物取悅

彼等至於教其耕種亦甚緊要前此任事之人朕悉指導爾等一一問明

加意遵行可也

秋八月帝巡幸塞外九月還京師

領侍衛內大臣一等公費揚古卒費揚古歷次隨駕親征噶爾丹

統率大兵戰功卓著帝嘗御箭亭命諸大臣校射費揚古奏臣臂痛不可

以弓許之出語人曰我曾為大將軍儻一矢不中有損國威且為外藩所

笑故不與諸將軍角技也人服其遠識至是卒予祭葬加祭三次諡襄壯

冬十二月連州清直隸州今為縣屬嶺南道人作亂以都統嵩祝為廣東將軍率兵

進討廣東連州人常出擾害官軍往剿失利韶州副將林芳被殺

乃命都統嵩祝偕副都統達爾占侍郎傅繼祖往會總督石琳調廣西湖

南兵進剿嵩祝即授為廣東將軍諭曰貉人所居之山通連廣東廣西湖

馬爾漢使喀爾喀

費揚古卒

連州人作亂

嵩祝討
平連州
孫

南三省林木叢密山勢崇峻恃此險僻頑梗不馴自宋明以來師在此三省擾害民生爾等務體朕好生之意不必遽行征剿先宜曉示招撫節節人歸順止將殺害官兵之爲首者正法可也

○壬午四十年春二月廣東將軍嵩祝討連州獠人降之連州平
嵩祝等受命前往師次連州遂檄三省官兵分布要隘繪圖以進尋疏言臣等遵奉皇上指示機宜勘視八排山寨卽於要地設立營壘先遣人招撫連州界內油嶺衡祥橫坑三排獠人先行薙髮開報家口荷負糴餼酒食呈送行營而連州附近之軍寨馬箭火燒坪大掌嶺圍大排並雞公背等各小排以次投誠最後黎巴洞排獠人將爲首殺害官兵之李貴等九人擒獻卽行正法遣兵察驗人口共八千一百餘安插事宜責成提督料理臣等撤兵回京得旨嘉獎

○夏六月貴州葛彝寨苗人作亂官軍討平之

○秋七月帝幸熱河八月還京師

○九月詔治黃河仿永定河法
○先是三十八年秋河道總督于成龍

於直隸霸州等處開濬新河奏請賜名永定河建廟立碑

治黃河
宜仿永
定河法

曰朕觀永定河修築之法甚善河身直河底深所以淤沙盡皆衝刷今治黃河亦用此法方為有益張鵬翮總子或龍為河道總督所奏開挑引河建築草壩著

即照行此工多費不過十萬兩試仿照永定河法修治之

綱冬十月詔制錢改鑄大式每文重一錢四分停止鼓鑄舊式小錢

綱十一月詔雲南貴州四川廣西四省四十三年錢糧悉行蠲免

綱癸未四十二年春正月帝南巡 庚午過濟南壬申駐蹕泰安登泰山二月丁丑由宿遷縣渡黃河徧閱徐家灣等隄至烟墩登岸己卯自桃源縣登舟徧視河隄入清江口泊天妃閣壬午駐蹕揚州府城內甲申渡

江登金山江天寺丙戌駐蘇州府戊子登舟庚寅駐杭州府癸巳回鑾辛丑至江寧三月戊申閱高家堰翟家壩等隄工庚申還京師

綱夏五月帝巡幸塞外七月還京師

綱九月湖南紅苗叛巡撫趙申喬討平之 湖南鎮筸紅苗作亂巡撫

趙申喬字慎旂江蘇武進人合黔楚粵兵進勦貴州提督李芳遠深入苗地平糯糖山

葫蘆天星諸寨尙書席爾達副都統圖思海徐九如率荊州兵至自龍椒

洞至天星寨分路搜勦斬馘千餘降其寨三百餘移辰沅道駐鎮其地

平趙申喬紅苗

南巡

改鑄大式制錢

綱冬十月帝西巡。是月癸未啓鑿癸巳駐蹕柏井驛。丁酉至太原。十一月乙巳次洪洞。壬子渡河次潼關。丙辰至西安。閱武設宴。癸亥回鑿。十二月庚辰駐蹕磁州。庚寅還京師。

綱甲申四十三年春三月帝幸南苑行圍。

綱夏四月帝巡幸塞外。秋九月還京師。

綱侍衛拉錫探河源還。先是夏四月帝命拉錫等探視河源。至是還。

繪圖奏聞。略謂臣等於四月初四日自京起程。五月十三日至青海。十四

日至呼呼布拉克貝勒色卜騰扎爾。同臣等起程前行。六月初七日至星

宿海之東。有澤名鄂陵。周圍一百餘里。初八日至鄂陵西。又有澤名扎陵

周圍三百餘里。鄂陵之西。扎陵之東。相隔三十里。初九日至星宿海。蒙古

名鄂敦塔拉。登山之至高者視之。星宿海之源。小泉萬億。不可勝數。周圍

羣山。蒙古名爲庫爾滾。卽崑崙也。南有山名古爾班吐爾哈。西南有山名

布胡珠爾黑。西有山名巴爾布哈。北有山名阿克塔。因七奇。東北有山名

烏蘭杜石。古爾班吐爾哈山下諸泉。西番國名爲噶爾瑪塘。巴爾布哈山

下諸泉。名爲噶爾瑪春穆朗。阿克塔因七奇山下諸泉。名爲噶爾馬沁尼。

一月
三日
晴
中

以李光
地為大
學士

三山之泉流出三支河。即古爾班索羅謨也。三河東流入札陵澤。自鄂陵澤出。乃黃河也。此外為小河者不可勝數。盡歸黃河東流。臣等自星宿海於六月十一日回程。向東南行。二日登哈爾吉山。見黃河東流。至呼呼託羅海山。又南流。繞撒除克山之南。又北流。至巴爾托羅海山之南。次日至冰山之西。其山最高。雲霧蔽之。蒙古言此山長三百餘里。有九高峯。自古及今。未見冰消。常雨雪。一月中三四日晴而已。自此南行。十六日至席拉庫特爾之地。又向南行。過僧庫里高嶺。行百餘里。至黃河岸。見黃河自巴爾托羅山向東北流。歸于德堡之北。遠喀山之南。從兩山峽中流入蘭州。自京至星宿海。共七千六百餘里。寧夏之西。有松山。至星宿海。天氣漸低。地勢漸高。人氣閉塞。故多喘息。謹繪圖呈覽。報聞。

在托灰哈達
噶西境。

鄂陵海在葉克錫理西。札陵海在博靈圖庫特爾西。哈爾吉山

乙酉四十四年春二月。帝南巡。視河渡江。至杭州。閏四月。還京師。

夏六月。帝北巡。駐蹕熱河。九月。還京師。

以李光地為文淵閣大學士。初光地劾雲南布政司張霖。假稱奉旨。販賣私鹽。得銀百六十餘萬兩。得旨。即令光地審擬。霖論斬。家產籍沒。

旨。販賣私鹽。得銀百六十餘萬兩。得旨。即令光地審擬。霖論斬。家產籍沒。

入官至是帝諭吏部曰李光地居官甚好才品俱優着降爲文淵閣大學士調河南巡撫趙宏燮爲直隸巡撫

綱冬十一月命查康熙元年以來蠲免錢糧總數 **目**時大學士馬齊等

奏自康熙四十二年以來蠲免錢糧已一千六百餘萬帝曰自吳三桂變

亂之後民甚艱苦故朕累年蠲免錢糧民生優裕則國家太平矣爾等可

查康熙元年以來所免錢糧總數來奏尋奏查自元年以來所免錢糧共

九千萬有奇報聞

綱丙戌四十五年春二月特詔江寧知府陳鵬年來京 **目**時兩江總督

阿山疏劾鵬年貪酷帝命漕運總督伊桑額河道總督張鵬翮審擬鵬年

論斬特旨令鵬年來京在修書處效力阿山者宗室噶禮之黨也噶禮本

滿洲貴族聲勢傾一時滿臣中阿山漢臣中張鵬翮等皆其黨當其爲兩

江總督時鵬年爲蘇州知府白事不跪拜禮怒訶曰知府生死在我手胡

敢爾遂劾鵬年望指所作虎邱詩爲證逮捕下獄欲置之死幸帝察其

任命釋之始免至是復爲阿山所劾初阿山以帝將復南巡召屬官議加

賦鵬年力言不可阿山銜之故有是劾賴帝素知其人得免後噶禮以罪

蠲免錢糧九千萬

詔陳鵬年來京

知府生死在我手

伏誅而鵬年歷官至河漕總督卒謚恪勤

綱三月賜施雲錦等二百八十九人進士及第出身有差

綱夏五月以金世榮爲兵部尙書梁鼎爲閩浙總督

綱秋九月雲南李天極等謀亂伏誅 目李天極者昆明人冒入廣通縣

學與臨安府生員朱六非造爲符籙以師宗州生員之子魏枝葉流蕩不歸誘之使改稱王姓詭託明桂王之孫以王姓相呼遇開化府賣藥人楊春榮蒙自縣談相人張平山富民縣演伎人楊起鳳同謀不軌僭稱文興三年以鉛摹桂王之寶及諸僞印散播總制大將軍副總兵都督僉事等僞劄願入黨者改裝蓬頭僧或長髮道人潛期先取廣南次取開化由蒙自奪省城嗣爲督標弁兵首報先後擒獲李天極王枝葉楊春榮楊起鳳張平山朱六非等於富民縣之響哨山雲貴總督貝和諾疏報請旨立斬餘黨流徙數人首報者獎賞如例

綱冬十二月海洋盜蔡曾就禽伏誅 目兩廣總督郭世隆奏報海洋巨

盜蔡曾等聚衆劫掠商船今已擒獲傳旨立斬

綱詔罪囚緩決減等 目詔刑部罪囚緩決至三四年者減死一等直省

海盜蔡曾

雲南李天極

南巡

亦如之

綱丁亥四十六年春正月帝南巡。目正月啓鑾。二月初次清河。閱視溜淮套。卽由清口登陸。詳看地方形勢。謂左右曰。此地百姓可謂淳樸。彼見豎立開河標竿於墳墓之上。毫無怨色。真良民也。可盡行撤去。三月至江寧。四月駐杭州。五月還京師。

綱六月帝巡幸塞外。目秋七月駐蹕熱河。丁卯發喀喇和屯。巡幸諸蒙古地方。沿途諸藩來朝。各賜衣幣。九月還京師。

綱冬十月以蕭永藻爲兵部尙書。十二月以溫達爲文華殿大學士。

綱戊子四十七年春二月帝巡幸畿甸。三月還京師。

綱夏四月內大臣明珠卒。

綱五月帝巡幸塞外。六月駐蹕熱河。

綱殺明宗室朱三太子父子。目朱三太子時年七十有六。父子嘗遊行

讀書。寄食人家。先是浙江巡撫王然奏擒獲大嵐山賊。賊首張念一。供出

朱三太子及其子等。遣侍郎穆丹往審。並命作速拘拏賊首。所供朱三太

子及其子等。已而山東巡撫趙世顯拏獲朱三父子。解往浙江。交穆丹處

殺朱三太子父

明珠卒

至是諭將朱三父子及其黨並斬於市妻子發往寧古塔

附記

未三太子為康熙時朝野之流行語當時假其名以為號召者不知凡幾至是卒被獲就刑以憲老之年而保不免一死命王子孫之結局如是可慨也清人李方遠所

著張先生傳記其事頗詳茲摘錄如下傳云戊子（即康熙四十七年）四月朔三日予（李方遠自稱）方與先生在書房陳黑白子以相娛忽有軍府高公邑令張公率營兵官役

將先生父子同予鎖拿予茫然不知其何故也星發電馳予曰是省城撫軍坐後堂左右列藩

果兩司旁無一役先問予曰你是字某曾做過饒陽縣官麼予曰是你就讀書為官當知理

法為何高職朱某為不軌事予曰予家只知讀書門外之事亦不與聞不知誰為朱某從不

敢僞犯法事撫軍曰你家教書先生是何人予曰先生姓張名用御係南方人於二十年前

在東平州張家設教曾認善後於前年十二月伊父子來至吾家諄言尋館度日予有孫數

人從他讀書至於朱某不法事并不曉得撫軍曰他在南方姓王山東趙那你不知道余曰

一毫不知又喚先生父子至問曰你是什麼人曰吾乃先朝皇子朱慈煥原封定王事到今

日得不知說實情又問曰你何以在浙江曰崇禎十七年流賊圍困京城先皇帝交於王內

官往民間藏匿及城破王內官獻之闖賊圍城又交與杜將軍未幾吳三桂同清兵發敗流

賊各自奔逃賊中有一毛將軍帶吾子河南地方乘馬買牛種地年餘清朝查捕流賊緊急

伊遂拋吾而逃時吾年甫十三自往南行至鳳陽遇一老鄉紳上姓者曾為先朝諫垣細詢

根中執手悲泣留在伊家予遂改姓王偕伊子屈學讀書又數年而王官病故吾年十八九

乃從江而南舉目無親荒荒莫莫到一禪林大士前削髮為僧有延歲月偷生度日後游於

浙止一古刹中有胡姓者姓姚人亦一禪林大士前削髮為僧我談經論文愕然大吃曰子

有如此才學何為流於空門乃延至其家改換衣帽勤吾蓄髮伊居室之旁有小園半畝茅

屋數間俾吾住其中後以女妻焉此吾所以為浙人而某也撫軍曰今有江南兩處叛

案皆稱扶爾為君朕復問爾爾往浙中實之時四川初六日也當日撫軍將口供繕寫題

即將先生同予起解南行驛驛四乘解官數員一東克逆爾一撫標大廳階一部司長引守

備于把等統領馬步兵數百及沿途接者日有千人舉目視之旗幟招隨隊伍交雜林林總

總前後擁護余心惶惶如在夢中矣十四日到淮安易舟而往河內船舸周圍濟濟而振海

將軍之戰語萬兵較之陸路赫赫加倍二十二日到杭州在貢院寶書上坐者欽差少宰

德順次鎮杭將軍兩江督次關督次蘇撫于次浙撫王共六大人間先生曰你是王士

元慶先生曰吾姓朱名慈煥改名王士元是實又問曰你說是朱某將廷待汝不謂何為

謀臣曰吾丁年來改易姓名冀以避禍真今上有三大恩於前朝吾感戴不忘何嘗謀反

又問：「漢主八王，何流？」我國家，今上諱，漢流，與我家報仇。一也。凡我先朝子孫，從不
受害。二也。吾家祖宗墳塋，今上躬行祭奠，命人洒掃。三也。况吾今七十五歲，血氣已衰，廢
者自乃不作。又三藩亂之時，而反於清寧無事之日乎？且所謂謀反者，必占城通商，

軍屯糧，招買軍士，有造謠甲古，曾有一於此乎？吾因年荒米價，在山重教書，度日，極重通商，
密選京師，尚敢有謀反之事乎？大人曰：「現有大事，出敵我，某曰：「保你，何得無疑？」

賊子，時予與先生同在，前問曰：「你認是朱某，然親視曰：「某曰：「保你，何得無疑？」
某如何今日，又說不認的，一和尙至，尙者，其名色，以鼓動人，委實不認，誠也。遂將予與先生，

收入園中，時江潮解，一和尙至，尙者，其名色，以鼓動人，委實不認，誠也。遂將予與先生，
符給散，惡人，婦感，乃提先生對證，又云：「某曰：「保你，何得無疑？」

謀反之言，說不得，不知情，合以知情，而不出首之詞，流徙三千里。案定後，予蒙恩發，
且住，而先生問以是年冬，乘市矣。先生家在餘姚，有一妻二子三女，一媳，備事，公捕獲，送一

命，俱盡矣。

家投續六

○九月，皇太子允禔有罪，言詔廢之，幽禁咸安宮。皇太子允禔初

封理密親王，帝次子也。帝生子三十有五人，直郡王允禔最長，然非嫡出。

嫡而長者為允禔，故封密理親王，立為皇太子。簡大學士張英教之，又令

儒臣湯斌為講性理之學，以儲其道德。南北巡狩，悉令從行，以宏其經驗。

皇太子初頗強明，後忽貪暴，乃至窺伺乘輿，狀類狂疾。時帝巡幸塞外，駐

蹕布爾哈蘇臺，皇太子益不法，肆惡虐眾。帝聞之大怒，是月丁丑，帝召諸

王大臣侍衛文武官員等，齊集於塞外行宮，呼皇太子跪前，垂涕諭之曰：

「今觀太子舉動不法，祖德不遵，誨諭惟肆，惡虐眾暴，戾淫亂難，以盡言予

詔廢皇太子允

窺伺乘輿

如此之人豈堪託祖宗宏業

允禩王

咒詛太子

允禩奸成

包容垂二十年矣。乃其惡愈張。如此之人。豈堪託祖宗之宏業。諭畢。帝痛哭仆地。諸大臣扶之起。旋諭將允禩卽行拘執。親撰告祭天地太廟社稷文。廢斥之。幽禁咸安宮。下詔歷舉其罪狀。宣示中外。己丑。帝還京師。居允禩於上駟院旁。命皇長子允禔。四子允禎監守。

綱冬十一月。革直郡王允禔王爵。鎮拏皇八子允禩。交議政處審理。尋釋之。先是康熙三十七年三月。帝封長子允禔爲直郡王。三子允祉爲誠郡王。四子允禎。五子允祺。七子允祐。八子允禩。俱爲貝勒。由是諸王各自開府。攬奪權利。竟有招權植黨。謀陷東宮之事。及皇太子被廢。諸王之覬覦儲位者。遂咸肆其攬奪手段。或要結親貴。以偵探消息。或招納門客。以弋取聲譽。結黨營謀。匪所不至。而大阿哥允禔及皇八子允禩。希冀非分。尤爲顯著。帝微知之。因疑太子狂病。或別有他故。命窮治之。果得允禔令蒙古喇嘛巴漢格隆咒詛太子。及用術魘魅。狀不覺大怒。立拘允禔於第。革直郡王爵。幽禁府內。凡上三旗所分佐領。盡撤回。給與允禩。又聞允禩宣言相面人張明德。相其後必大貴。意在使帝立爲太子。帝益怒。曰。允禩柔奸性成。妄蓄大志。朕素所深知。其黨羽早相要結。謀害允禩。今其事

鎮寧允
祺

職
馬齊

馬齊向
來認亂

復立允
初為皇
太子

皆已敗露著立誅明德將允禩鎖拏送交議政處審理旋釋之封爲多羅貝勒

○已丑四十八年春正月禡大學士馬齊職交部拘禁

○正月癸巳帝

召領侍衛內大臣滿漢大學士尙書等問曰去年朕躬違和命爾等於諸

阿哥中保奏可爲儲貳者爾等何以獨保允禩允禩獲罪於朕身櫻繯綹

且其母家微賤豈可使爲皇太子况允禩乃允禔之黨允禔曾奏言若立

允禩爲皇太子伊當輔之可見伊等結黨潛謀早定於平日是日先舉允

禩者爲誰爾等各據實陳奏勿有隱也時阿靈阿鄂倫岱揆敘王鴻緒等

俱私議立允禩羣臣不敢奏旋查出議政大學士馬齊帝曰馬齊向來謬

亂如此大事尙懷私意豈非欲結恩於允禩爲日後恣肆專行計耶尋康

親王椿泰等遵旨審鞫擬馬齊立斬帝不忍卽誅着卽交允禩嚴行拘禁

其弟李榮保著免死照例枷責亦交允禩差使又詔佟國維至傳旨詰問

○三月復立允禛爲皇太子

○帝以廢皇太子允禛狂惑由於壓魅所

致至是治療已痊釋之於上駟院復立之特命大學士溫達李光地爲正

使刑部尙書張廷樞左都御史穆和倫爲副使持節授允禛冊寶復立爲

皇太子命禮部尚書富寧安為正使禮部侍郎鐵圖為副使持節授皇太子妃册寶復封為皇太子妃並遣官祭告天地宗廟社稷所以告誠皇太子者甚備

巴漢格
隆伏誅

夏四月蒙古喇嘛巴漢格隆伏誅 顯親王衍潢等奉旨會議蒙古喇嘛巴漢格隆等呪壓皇太子情罪屬實應凌遲處死得旨依議遂伏誅並罷黜阿靈阿王鴻緒等職有差

帝巡幸塞外九月還京師

以年羹
堯為四
川巡撫

以年羹堯為四川巡撫 年羹堯漢軍鑲黃旗人太傅年選齡側室子也其生也有異徵選齡已棄而復舉之及長弘毅多才略尤精兵法著有治平勝算等書康熙時入翰林為考官至是以西陲兵起詔授羹堯為四川巡撫管理邊陲事務

冊封諸
皇子

冬十月冊封諸皇子 是月戊午冊封皇三子允祉為和碩誠親王皇四子允禎為和碩雍親王皇五子允祺為和碩恆親王皇七子允祐為多羅淳郡王皇十子允禩為多羅敦郡王皇九子允禧皇十二子允禩皇十四子允禴俱為固山貝子

綱冬十二月詔釋馬齊命管理俄羅斯貿易事 從諸王大臣之請也

綱庚寅四十九年春三月冊封波克塔胡必爾汗為六世達賴喇嘛

議政王大臣等議拉藏及班禪胡土克圖西藏諸寺喇嘛等會同管理西

藏事務侍郎赫壽奏請頒賜波克塔胡必爾汗以達賴喇嘛之封號查波

克塔胡必爾汗因年幼奉旨俟數年後授封今既熟諳經典為青海諸衆

所重應如所請給以印冊封為六世達賴喇嘛

綱夏五月帝巡幸塞外秋八月駐熱河

綱革福建陸路提督藍理職 時藍理奏稱福建所屬永春德化二縣

交界地方有盜首陳五顯等偪勒愚民二千餘人入夥搶奪百姓拒敵官

兵臣令參將尚之瑄統領官兵往緝兩次遇賊殺八十餘人中傷脫逃者

不計其數盜黨張永王當蘇標俱已投到其附近賊巢村民仍不廢耕織

照常安業惟陳五顯脫逃俟拏獲正法帝以強盜多至三四十人百姓尚

畏懼逃避况數千人為盜豈得謂百姓不廢耕織照常安業乎此係掩飾

已過希圖卸罪著該部嚴察議奏旋革藍理職以范時崇潘陽人為閩浙總

督

康熙五十年
錢糧蠲免

綱九月帝還京師

綱冬十月頒蠲免各直省康熙五十年錢糧詔 目諭戶部明年爲康熙

五十年思沛大恩以及吾民將天下錢糧一概蠲免自明年始於三年以內通免一周俾遠近均霑並歷年舊欠亦俱免徵爾部移文各督撫諭旨到日卽刊刻頒布咸令知悉十一月又諭豁免錢糧但及業主而佃戶不得沾恩伊等田租亦應稍寬旋議凡遇豁免錢糧合計分數業主蠲免七分佃戶蠲免三分永著爲例從之

張玉書
卒

綱辛卯五十年夏五月文華殿大學士張玉書卒 目玉書嘗進講乾清

宮帝問理學之名始於宋否玉書奏道理自在人心宋儒講辨加詳耳帝曰日用常行無此非理自有理學名目彼此辨論而言行不符者甚多若不居講學名而行事允合此卽眞理學也至是卒帝命大學士溫達會同翰林部院官員內務府總管往弔予祭葬加祭一次諡文貞玉書賦性仁厚歷官五十年爲太平宰相二十年風度凝然得大臣體所作古文辭春容典雅稱一代大手筆

綱帝奉皇太后巡幸塞外九月還京師

綱冬十月殺翰林院編修戴震。先是明清之交漢人爲清室所驅除及蒙受不平等待遇者往往藉文字以發抒憤慨其明末遺臣故老著書立說又時時流露其河山故國之思帝卽位已數十年深恐死灰復燃防微杜漸遂構成種種文字之獄最著者爲莊廷鑑明史之獄其次則戴震南山集之獄是也明史之獄在康熙二年夏而南山集之獄則在本年冬先是桐城今安徽方孝標嘗以科第起官至學士後以族人方猷主江南試與之有私並去官遣戍遇赦歸入滇仕吳三桂爲翰林承旨三桂敗孝標先迎降得免死因著鈍齋文集及滇黔紀聞戴名世見而喜之所著南山集多採孝標所紀事尤雲鏐方正玉爲之捐資刊行雲鏐正玉及同官汪灝朱書劉巖余生王源皆有序板則寄藏於方苞家至康熙五十年左都御史趙申喬奏其事略謂戴名世妄竊文名恃才放蕩前爲諸生時私刻文集肆口游談倒置是非語多狂悖今身膺恩遇叨列巍科猶不追悔前非焚削書板似此狂誕之徒豈容濫廁清華疏上着九卿會鞫當戴名世大逆法至寸磔族皆棄市未及冠笄者發邊朱書王源已故免議尤雲鏐方正玉汪灝劉巖余生方苞以謗論罪絞時方孝標已死以戴名世之

罪罪之子登嶧雲旅孫世樵並斬方氏有服者皆坐死且劉孝標尸尚書韓莢侍郎趙士麟御史劉灝淮揚道王英謨庶吉士汪汾等三十二人並別議降謫疏入聖祖惻然凡議絞者改編戍汪灝以曾効力書局赦出獄方苞編旗下尤雲鏐方正玉免死徙其家方氏族屬概謫黑龍江韓莢以下及平日與戴名世論文牽連者俱免議是案得恩旨全活者三百餘人帝知方苞文學特詔赦其罪召入南書房修書苞得免死

特赦方苞朱熹配享孔廟

定滋生人丁永不加賦之制

○壬辰五十一年春二月以宋儒朱熹配享孔廟 ○位於大成殿十哲之次十哲顏淵閔子騫冉伯牛仲弓宰我子貢冉有季路子游子夏也

○詔定滋生人丁永不加賦之制 ○康熙六十年中有至仁之政三代

而下莫之與京者則永不加賦之制是已我國賦稅之制有地有丁戶口之盈虛率五年而一編審丁增而賦隨之唐宋明極盛時代人口未有逾六千萬者以增丁卽須增賦故相沿隱匿而不以報也康熙二十四年統計天下戶口二千三百四十一萬七千四百四十有八帝以編審爲期過遠吏胥得以作弊乃更定一年歲終彙報之制其後二十餘歲至康熙五十年直隸省人丁增加百餘萬帝悟其故乃諭大學士等曰民間生齒日

盛世滋生人丁永不加賦

人口驟增

陳廷敬卒

鄂海招撫紅苗

繁朕故欲知戶口之實數非欲加增錢糧也嗣後祇將現今錢糧冊內有名丁數弗加弗減永為定額以後滋生人丁免其增加錢糧但將所增實數另造清冊具報而已尋議定以康熙五十年人丁冊數為準此後新增者謂之盛世滋生人丁永不加賦此制一定人口遂逐漸增加據當時戶部公報各省丁二千四百十七萬閱十年為康熙末年則二千五百三十萬又閱十三年為雍正末年則二千七百三十五萬又閱十四年為乾隆十四年則一萬七千七百四十九萬又閱四十六年為乾隆末年則二萬九千七百萬計距康熙間戶部之所報閱時祇七十有四載而人口增至十二倍有奇云

夏四月致仕文淵閣大學士陳廷敬卒 廷敬山西澤州人順治進

士少與汪琬以文章切劘與王士禛以詩唱和皆能得其深處在官所建

白皆得大體既卒詔予祭葬諡文貞

以嵩祝為文華殿大學士王揆為文淵閣大學士

帝奉皇太后巡幸塞外九月還京師

六月湖廣總督鄂海招撫鎮筸邊外紅苗 時湖廣總督鄂海奏鎮

紅苗盤
據深山

復廢皇
太子允

隱忍包
容終無
可望

簞邊外紅苗素稱強悍臣於康熙五十年九月會同撫提二臣親入苗寨宣布皇上威德令悔過革心今紅苗頭目吳老化等率毛都塘等處五十寨三千餘人實心投順得旨紅苗盤據深山秉性凶惡自古以來並未歸順今總督鄂海等身入苗寨設法招撫殊爲可嘉該部將在事官員一併議敘

○冬十月復廢皇太子允○先是帝於初次廢皇太子時歷六晝夜未嘗安寢當其鎖拏允禩時憤怒已極至欲親引配刀以誅允禩是時諸王朋黨蟠據朝廷根深蒂固帝恐因儲位問題引起政爭故對於羣臣議立太子之言概置不納於四十八年春復立允禩爲皇太子然帝之希望終歸失敗蓋太子之狂疾不但未除且嘯聚兇徒親近幸佞驕抗之態未或稍已帝隱忍包容終無可望帝恐其一生慘淡經營之鴻基大業墮於不肖子之手遂決計於本年十月復下詔再行廢黜並召諸王貝勒貝子大臣等諭之曰前因允禩行事乖戾曾經禁錮既而朕躬抱疾念父子之恩從寬免宥朕在衆前曾言似能悔改乃自釋放之日乖戾之心卽行顯露數年以來狂易之疾仍然未除是非莫辨大失人心朕今年已六旬知

不復更
言立儲
事

噶禮交
通關節

噶伯行
第一

藍理有
罪不誅

後日有幾况天下乃太祖太宗世祖所創之業傳至朕躬如此狂易成疾不得衆心之人豈可付託乎故將允礽仍行廢黜禁錮此諭自此次再廢太子後帝憂思憤懣日損其健康深恐祖宗大業無可付託又恐諸王覬覦者多自是不復更言立儲事羣臣以是請者往往遷怒獲罪

○兩江總督噶禮有罪伏辜以赫壽爲兩江總督
○噶禮以滿洲貴族爲兩江總督擅行威福聲勢傾一時康熙五十年江南鄉試副考官趙晉與噶禮交通關節事發帝命尙書張鵬翮侍郎赫壽出按其獄鵬翮因其子懋誠任懷寧令恐遭陷害瞻顧掣肘讞莫能定巡撫張伯行遂劾噶禮抗命欺君營私壞法噶禮亦訐伯行不肯出洋捕賊及誣陷牙行張元隆諸欸帝命俱解任付使者雜治尋奏晉與光奎泌賄通關節擬罪如律而噶禮劾伯行不能清理案件屬實餘係苛劾應降留伯行劾噶禮索金事全虛應奪職發徒帝復命尙書穆和倫張廷樞覆訊執如前議帝以伯行爲天下清官第一責諸臣變亂是非命伯行復任黜噶禮職噶禮尋以謀弑其母賜自盡

○十一月福建提督藍理有罪赦不誅
○閩浙總督范時崇列欸糾參

革職福建提督藍理貪婪酷虐流毒士民應請拏究帝遣侍郎覺和托等往勘皆實應斬帝念其有功特從寬免死

綱 癸巳五十二年春二月左都御史趙申喬奏請册立太子不許

綱 夏四月以額倫特姓科奇哩氏滿洲鑲紅旗人為湖廣總督 時額倫特為湖廣提

督帝諭大學士等曰額倫特殷泰皆朕特用之人也初用時人皆不知其

善後乃稱朕有知人之明

綱 五月詔除各地貧民開礦之禁 先是九卿等奏議開礦事謂開礦

一事除雲南督撫雇本地人開礦及商人王綱明等於湖廣山西地方各

雇本地人開礦不議外他省所有之礦向未經開採者仍嚴行禁止其本

地窮民見在開採者姑免禁止地方官查明姓名記册聽其自開若別省

之人往開及本地殷實之民有霸占者即行重處帝曰有礦地方初開時

即行禁止乃可若久經開採貧民勉辦資本爭趨覓利藉為衣食之計而

忽然禁止則已聚之民毫無所得恐生事端總之天地間自然之利當與

民共之不當以無用棄之要在地方官處置得宜不致生事耳

綱 帝奉皇太后巡幸塞外九月還京師

除各地
平民開
礦之禁

趙申喬
請立太
子不許

王鴻緒
進呈明史
列傳

歸誠生
番十九族

張伯行
革職

策安冠
哈密藩
徵外藩
兵集歸
化城

○甲午五十三年春三月戶部尚書王鴻緒進呈明史列傳
○鴻緒華亭人以所撰明史列傳二百八十卷進呈得旨著交明史館

○夏四月帝奉皇太后巡幸塞外九月還京

○冬十二月詔土司楊如松管轄歸誠之生番喇子等十九族
○兵部

議准四川陝西總督鄂海奏洮岷所屬邊外生番喇子等一十九族頭目扎世咱等歸誠番地周圍約千餘里計一千二百九十二戶共八千四百六口請令土司楊如松管轄從之

○乙未五十四年春二月革江蘇巡撫張伯行職
○先是伯行疏劾布

政使牟欽元藏匿通洋匪棍張令濤令濤者前兩江總督噶禮之幕客也帝命尚書張鵬翮副都御史阿錫鼎赴鎮江審勘奏令濤良民伯行誣劾應斬帝不許著暫行革職旋令入都召對命講太易圖說入直南書房權倉場總督

○夏四月準會策安喇布坦寇哈密命吏部尚書富寧安馳驛救之

○徵外藩兵集歸化城以右衛將軍費揚固總理軍務
○備準會策安

喇布坦也初準噶爾汗僧格死其弟噶爾丹殺僧格長子自立次子安策

策妄潛回伊犁

喇布坦與其父舊臣七人逃居士魯番遣使乞降帝納之策妄乘噶爾丹南侵敗衄之際潛回伊犁游牧博羅塔拉河用其七友收集散亡杜爾伯特諸臣台吉從之闢地至額爾齊斯河

發原阿爾泰山之湯西經新疆入俄羅斯境

遂有準部大半

及康熙三十六年大軍殄滅噶爾丹時伊犁數千里空無所主策妄生聚未盛中國方乘屢勝之勢若驟進大軍收其部落立可設為郡縣帝以其

曠莽遼闊費轉輸又策妄方獻噶爾丹之尸外馴呢遂畫阿爾泰山以西至伊犁指俾游牧復成西域一大部落策妄既得志不復遵約束至是哈

密扎薩克達爾漢白克額敏始咨甘肅提督師懿德厄魯特遣兵至北境侵掠五寨又咨言敵兵於三月二十五日抵哈密城下提督先後以聞帝

特命吏部尚書富寧安

姓富察氏滿洲鑲藍旗人

帶新滿洲侍衛十員馳驛前往又徵外

藩兵集歸化城以右衛將軍費揚固總理軍務

無何師懿德疏報駐防哈密游擊潘子善於三月二十六日率領官

兵二百餘人同哈密白克額敏擊敗策妄喇布坦于哈密既退駐城南二十里外得旨嘉獎

吏部尚書徐潮卒

潮為戶部尚書時河道總督張鵬韶誣奏淮安

同知佟世祿冒帑誤工罰償工費銀七萬餘兩世祿叩闕帝命潮往讞得鵬翮刪供枉斷狀鵬翮奪職人服其允至是卒予祭葬

乾隆中子乾隆中子

費揚古總理軍務

徐潮卒

傅爾丹
屯田密

趙申喬
請罷斥
不許

策妄擾
西藏為
世界第一
高原

棄宗弄
贊

綱秋七月遣傅爾丹屯田哈密等處。目時大臣議奏屯田事謂據右衛

將軍費揚固詢得蘇勒圖哈拉烏蘇並達拉克河等處俱可耕種又哈密

地方亦可耕種應行文將軍席柱尙書富寧安將西吉木布隆吉爾等處

勘明具奏得旨依議公傅爾丹情願前往効力卽交伊辦理再著原任都

統宗室愛音圖護軍統領達米納侍郎能泰鐵圖同往。

綱冬十月戶部尙書趙申喬以其子獲罪請賜罷斥不許。目趙申喬奏

臣子山西太原知府趙鳳詔居官不肖受贓三十餘萬兩撫臣列參臣不

能教子求賜罷斥帝命仍在任供職將鳳詔正法。

綱十一月以宋儒范仲淹從祀孔廟。

綱丙申五十五年春二月準酋策妄阿拉布坦遣兵擾西藏。目西藏者

世界第一大高原吾國五族之一也唐時爲吐蕃地元明兩朝謂之烏斯

藏其人種爲唐古特其地分三部曰前藏曰後藏曰阿里禹貢所謂三危

是也而統名之曰西藏其地北界崑崙南界喜馬拉雅西界印度東界川

邊東西六千里南北五千里人皆信佛有世界和密國之稱。西藏原非

古佛教國唐時吐蕃王有曰棄宗弄贊者與中國和親得尙宗室女文成

文成公
薩主拜木

紅教

黃教

達賴統
前政

達賴統
後政

公主、公主信佛教，自中國鑄釋迦牟尼像，迎奉之。其後印度尼泊爾國王，又以女拜木薩妻弄贊，拜木薩亦篤信佛教，弄贊受二女感化，於國中廣建寺院。於是全藏始化爲佛教國。其僧侶謂之喇嘛。元明以來，代受中國政府之崇奉，自明而後，有紅黃兩教之派別。初止紅教衣冠皆紅色，教徒專恃密咒幻術娶妻生子，傳衣鉢流弊孔多。永樂時有宗喀巴者，始創黃教，以清淨爲宗，與紅教之恣爲幻術者異。宗喀巴能前知涅槃時遺囑達賴班禪兩弟子，世世轉生，爲大乘教主，號曰活佛。黃教既盛，紅教諸法王甘退居小乘，皈依達賴班禪而師事之。終明世三百年，西南獨無邊患者，黃教馴伏之力也。黃教初盛行於前藏，漸及蒙古、青海，其後藏地方，則仍爲紅教根據地。明清之交，達賴五世羅卜藏堅錯立，以其親信桑結爲第巴。桑結素惡紅教，思剪滅之。時厄魯特方強，其和碩特部酋固始汗自烏魯木齊襲有青海地，桑結乘機以達賴之命招致固始汗，引兵入後藏，擊殺藏巴汗，盡逐紅教諸法王，而以班禪喇嘛統治其地。於是達賴班禪分主兩藏，而紅教徒悉遁入不丹及尼泊爾境。固始汗以有功，黃教故亦割西藏東部喀木之地爲其領土，又以其長子達延鄂齊爾汗留鎮拉薩。

桑結權

封桑結
爲圖首
特王

桑結被
殺

假達賴
真達賴
諸部紛
爭

全藏實權始全歸和碩特掌握桑結又惡之復陰結準噶爾部酋噶爾丹
征服青海以挫和碩特之勢於是全藏實權乃全歸於桑結之手康熙二
十一年達賴五世卒桑結秘不發喪矯達賴命爲已乞封爵帝卽詔封桑
結爲圖伯特國王欲因以羈縻之而桑結益驕恣謂中國可欺陰嗾噶爾
丹入寇凡噶爾丹前後蹂躪喀爾喀諸部及入塞內犯擾攘數十年推原
禍始皆桑結一人階之厲也桑結既唆使噶爾丹入犯中國康熙三十
六年聖祖三次親征噶爾丹訊所獲降人始得桑結詐欺奸狀大怒賜書
切責桑結詭詞乞憐會噶爾丹自殺桑結失奧援因立新達賴事遂爲拉
藏汗所殺拉藏汗者固始汗之孫鄂齊爾汗之子也先是康熙九年鄂
齊爾汗卒弟達賞巴圖爾繼之三十六年巴圖爾卒拉藏汗嗣位拉藏汗
材武有幹略既嗣位復干涉藏事以議立新達賴故與桑結交惡桑結謀
毒殺之不成欲更以兵逐之四十四年拉藏汗遂集衆共討桑結擒斬之
並執桑結所立假達賴獻京師而別立伊西堅錯爲達賴六世朝廷納焉
詔封拉藏爲翊法恭順王然青海諸蒙古皆以伊西堅錯爲僞又別立噶
爾藏堅錯爲真達賴六世諸部紛爭鬪不已帝方設計調停而準酋策

策妄乘機謀藏

徒步繞戈壁入藏

詔明年停止西兵藏進

妄阿拉布坦遂乘之而起策妄阿拉布坦既自立為準噶爾汗雄據阿爾泰山之西又屢略蔥嶺以西地勢力浸強因諸部之爭遂欲乘機謀藏初策妄取拉藏汗之姊而贅其子丹衷於伊犁不令歸帝以厄魯特狙詐勅拉藏毋恃親疏防拉藏耄而嗜酒不以為意拉藏所居之布達拉其西北有騰極里海西接後藏周數千里其北岸大山橫亘為準部入藏必由之路有鐵索橋天險萬衆趨趨更無旁徑拉藏亦不之守也康熙五十五年策妄果遣台吉大策零敦多布領精兵六千徒步繞戈壁逾和闐今新疆屬縣南大雪山涉險冒瘴晝伏夜行次年達藏界以送丹衷夫婦歸藏為名由騰格里突入敗唐古忒兵遂困布達拉誘其眾同應開門執殺拉藏汗虜其妻子搜各廟重器送伊犁禁新達賴於扎克布里廟於是準部擾藏之禍成矣

綱夏四月帝奉皇太后巡幸塞外九月還京師

綱冬十一月詔明年暫停進兵 目時準酋策妄擾邊塞詔諸臣議明歲

進兵議久不決帝因詔諸將曰朕綜理軍務年久經歷甚多且曾親統大軍安定邊塞眾議欲於明歲進兵又慮路遠糧米難運其見不可謂非但

陳昂請
禁天主教

孟光祖
游行詐

大兵進勦策妄拉布坦勢不能當必致逃避明年著暫停進兵加意耕種將糧餉馬匹豫備整齊後年再行進兵其盛京寧古塔兵丁照舊發往京城之兵著暫停止

綱丁酉五十六年夏四月廣東總兵陳昂請禁天主教從之 目兵部議覆廣東碣石總兵官陳昂奏天主教設自西洋今各省設堂招集匪類此輩居心叵測目下廣州城設立教堂內外布滿加以同類洋船叢集安知不交通生事乞飭早爲禁絕毋使滋蔓查康熙八年會議天主教一事奉旨天主教除南懷仁等照常自行外其直隸各省立堂入教者著嚴行曉諭禁止但年久法弛應令八旗直隸各省並奉天等處再行嚴禁從之 綱四月奸人孟光祖伏誅 目先是直隸巡撫趙宏燮奏有假稱誠親王允祉遊行山西各省之惡棍等應查拏治罪並將經過各地方失察文武官員交部議處旋奉旨著選賢能司官分往山西陝西四川湖廣廣西等省會同巡撫嚴密查拿及是獲得奸人孟光祖在各省僞稱阿哥名義肆行詐騙審勘得實得旨孟光祖着凌遲處死其江南巡撫佟國勳四川巡撫年羹堯等不將孟光祖奏獲報聞及接受物件答拜餽送禮物佟國勳

着卽革職年羹堯從寬革職留任

○帝奉皇太后巡幸塞外冬十月還京師

○十一月擒獲白蓮教徒李興邦 國河南巡撫張聖佐奏蘭陽縣奸民

李雪臣子李興邦在生員李山義家以白蓮教爲名聚徒惑衆今已拏獲

得旨交刑部尙書張廷樞嚴審定擬具奏

○十二月丙戌皇太后崩

○戊戌五十七年春正月殺翰林院檢討朱天保 國初皇太子之再廢

也帝震怒極太子禍且不測諸臣惕息不敢出一言朱天保獨憂之天保

滿洲人父爾訥方任侍郎天保成進士官檢討年未逾弱冠慨然上疏曰

皇太子雖以疾廢然其過失由習於驕抗左右小人熒惑之故耳若遣名

臣碩儒如趙申喬輩輔導之左右佞幸之徒盡賜罷斥則潛德日彰猶可

復問安視膳之歡儲位至重豈可輕易恐有落臣旁爲覲覲天家骨肉之

禍將有不可勝言者疏成欲上以父在徘徊未忍決爾訥察知之語天保

曰忠孝未可兩全汝舍孝而全忠吾復何憾因趣之入告天保意始決時

帝行幸湯山天保持疏出德勝門忽飛鴉數百棲止馬前若阻其行者同

擒獲白蓮教徒李邦興

殺翰林朱天保

舍孝全忠何憾

草疏時
已置此
身度外

主使者
孔孟二
人

冊封琉
球國王

詔編省
方盛典

列以為不祥。勸勿上天。保慨然曰：吾草疏時，早已置此身度外矣。禽鳥飛鳴，何預人事哉？卒上之。帝得疏，欲歎久之。會近臣阿靈阿者，素黨允禩，因媒孽其間，曰：朱天保此疏，為異日寵榮地耳。帝乃大怒，執天保親訊之。曰：汝年少，未辦此，是必有主使者。亟言之。天保頓首曰：臣讀孔孟書，主使者孔孟二人而已。帝愈怒，謂天保以滿臣甘蹈漢人惡習，且離間骨肉，竟斬之。爾訥亦褫職，荷校以死。而皇太子竟獲保全。天保時年才十有九。

夏六月，冊封琉球國王尙敬為中山王。琉球在臺灣南東南之島國也。舊分山北山南中山三部。明太祖時，其國王尙氏受冊封為中山王。

世奉中國正朔。及清人入關，朝貢受封，一如明制。康熙以來，尤稱恭順。每易一王，必表貢乞冊封。至是以其國王尙益卒，朝命翰林院檢討海寶編修徐葆光賈冊由寧波航海往琉球，諭祭其故中山王尙貞尙益，並冊封其世貞孫尙敬為中山王。

秋七月，詔編省方盛典。左都御史蔡升元奏請編纂省方盛典，禮

部議奏皇上親閱河隄，指示方略，准黃底定，漕運無虞，商民永賴。至於翠華時巡，察吏治，訪民俗，諮問必周，芻蕘必納，聖德神功，洵可為萬世法。恭

哈喇馬蘇河之戰

額倫特戰死

命皇十四子允禵視師青海

請編纂省方盛典一書以光郅治應如所請設局纂修從之

○九月西安將軍額倫特與準酋策安阿拉布坦戰於哈喇馬蘇河

江即怒上

敗績死之 目初策安阿拉布坦遣兵擾藏藏人乞援五十五年閏三

月帝命湖廣總督額倫特署西安將軍事務協同川陝兵往援冬十月額

倫特駐兵西寧協守噶順口五十六年春策安擾藏益甚帝怒命分兩路

出師二月以富寧安為靖逆將軍率兵由巴爾庫爾一路進發三月以傅

爾丹為振武將軍祁里德為協理將軍率兵由阿爾泰一路進發兩路並

進更命額倫特自西寧出師額倫特奉命即與侍衛色稜督滿漢兵先後

自西寧出青海赴西藏之援兩軍以次渡木魯烏蘇河

金沙江上游

敵佯敗屢

却而精兵伏哈喇烏蘇河以待額倫特等轉戰抵河北敵脅從番眾數萬

以其半據河拒清軍之前而分兵潛出其後截斷餉道相持月餘額倫特

糧盡困率兵進擊殺敵無算而矢又竭額倫特持刀奮突遂歿於陣全軍

盡殲敵勢益熾

○冬十月以皇十四子固山貝子允禵為撫遠大將軍視師青海 目準

酋策安既敗中國援藏之軍於喀喇烏蘇河朝廷震怒畏事大臣咸以藏

決意進兵征藏

命年羹
援藏率兵

以年羹
堯為四
川總督

地遼遠途險且惡多主張固守邊圉暫緩出師帝不從謂西藏為青海雲南四川之屏蔽準部雄視西北世為邊患若更兼有藏地利用其種人則西陲將無寧歲因決意進兵遂命皇十四子允禩為撫遠大將軍尅日出兵視師青海議政大臣奏請出兵日期帝即命護軍統領吳世巴委署護軍統領噶爾弼帶領第一起兵於十一月十五日起程駐紮莊浪副都統宗室赫石亨寶色帶領第二起兵於十一月二十九日起程駐紮甘州撫遠大將軍允禩帶領第三起兵於十二月十二日起程駐紮西寧會師並進

綱以年羹堯為四川總督率兵援藏 目自策妄擾藏四川提督康泰引

兵出關偵禦未幾兵噪而回四川巡撫年羹堯使參將楊盡信代撫其衆

而密奏康泰失兵心難統領請親赴松潘今四川屬縣辦理軍務帝嘉其實心任

事因授為四川總督諭議政大臣等曰四川巡撫年羹堯自軍興以來辦

事明敏又能度量西去進剿之兵會同青海公丹仲之人運食物米糧接

濟殊屬可嘉從前四川地方亦曾設總督年羹堯係巡撫止理民事無督

兵責任見今軍機緊要將年羹堯授為四川總督其原有之陝西四川總

督鄂海改任為陝西總督詔旨既下羹堯遂與撫遠大將軍允禔總督西征之師遣兵援藏

陳瓚居官清介

綱十一月福建巡撫陳瓚卒 瓚居官清介衣布素起居止一廳事味爽治事夜分始罷自奉惟草具蔬糲屬纊時一綈袍覆以布衾而已同僚入視者莫不感泣事聞追授禮部尚書予諡清端

綱己亥五十八年春正月帝幸湯泉庚子還京駐暢春園

冊封安南國王

綱二月安南國王黎維正卒封嗣子黎維禔為安南國王 安南國王黎維正卒帝命內閣中書鄧廷詒翰林院編修成文往致祭並封嗣子黎維禔為安南國王

舅舅修國維卒

綱領侍衛內大臣公舅舅修國維卒 國維修國賴次子兄國綱烏爾布通之戰殉難國維為孝懿仁皇后之父封一等公皇太子胤礽之廢國維欲立胤禩為皇太子帝切責之國維伏地請死帝宥之至是卒雍正元年予諡端純

綱三月封青海貝勒察汗丹津為多羅郡王

綱夏四月帝巡幸塞外冬十月還京師

詔停止慶賀典禮

加封新達賴第六世喇嘛

蒙古遣兵護送入藏

十二月命截留湖廣漕糧十萬石分貯所在府州縣備荒

綱庚子五十九年春正月詔停止慶賀典禮 旨時諸王大臣等奏皇上

御極六十年請行慶賀典禮帝諭之曰朕在西陲用兵軍民勞苦又值海

洋颶風飄泊官兵船隻山左東三府水發被淹黎民饑饉淮黃大水僅能

搶護人心風俗未盡醇官箴政事未盡理此正君臣孜孜求治之時慶賀

之事著停止

綱二月加封新達賴爾藏堅錯爲宏法覺衆第六世達賴喇嘛派滿漢

官兵及蒙古青海兵護送入藏 旨先是準曾策妄命其將大策零敦多

布統兵入藏禁錮藏中所立之達賴時逾五載藏中諸圖伯特族亦漸厭

亂願認青海噶爾藏堅錯爲真藏中舊立者爲贗合詞請於朝乞擁置禪

榻詔許之因加封噶爾藏堅錯爲宏法覺衆第六世達賴喇嘛給與冊印

派兵送之入藏藏人亦遣兵迎之於是蒙古汗王貝勒台吉亦各自率所

部兵或數千或數百於康熙五十九年春隨清兵扈從達賴入藏時清兵

分三路入藏一以西寧軍出青海都統延信統之一以四川軍出打箭鑪

統領噶弼統之更命將軍傅爾丹出巴里坤牽制其北三路並進加都統

清兵三
路入藏

延信岳
鍾琪分
兵進藏

諸番驚
爲神兵

延信爲平逆將軍統率蒙古青海兵擁護喇嘛由青海入藏而別命撫遠大將軍允禩率前鋒統領弘曙移駐穆魯斯烏蘇管理進藏軍務糧餉諸路並發軍容甚盛藏人聞之大懼

綱秋八月平逆將軍延信四川提督岳鍾琪分兵進藏大破準噶爾兵策零北遁西藏悉平。目方藏人之謀迎新喇嘛也大策零多敦布聞清兵分三路入藏卽自引準部兵由中路迎拒青海軍而分遣其宰桑以兵三千六百人拒南路四川軍四川軍統領噶弼奉年羹堯令由巴塘裏塘進兵副將岳鍾琪領兵四千先至察木多獲逃酋探知有準噶爾使者在其地誘各番酋守三巴橋遏我軍鍾琪念此橋進藏第一險也敵若斷而守之勢難飛越而其時大將軍隔數千里無由秉令因選能番語者三十人衣番服馳禽其使者五人殺六人諸番驚以爲神兵自天而降相與匍匐降無梗道者已而統領噶弼至敵中有黑喇嘛者號萬人敵鍾琪以計手禽之遂下喇哩將鼓行入藏大將軍以蒙古兵未至令毋輕進鍾琪請於噶弼曰我兵齎兩月糧自察爾多來此已四十餘日若再待大軍糧且盡聞西藏部落有公布爲其右臂最强能檄令先驅爲以番攻番之策取之

岳鍾琪
請乘機
疾進

御製平
藏碑
西藏悉
平

甚易無俟蒙古兵也。噶弼然之鍾琪即往招撫。公布未浹旬。其頭目以兵二千至。鍾琪請乘機疾進。十日可抵西藏。噶弼猶豫未決。欲待衆議。鍾琪昌言曰：事在必行。何議爲？鍾琪願噴此一腔血。仰報朝廷。請以旦日行矣。噶弼壯其言。遂進師。鍾琪首率所部兵爲前驅。集皮船渡河。直趨西藏。降番兵七千人。分兵塞險。扼敵餉道。而中路青海軍亦三敗。策零兵於青海之西。斬俘千計。準噶爾兵進退受敵。遂大潰散。不敢歸藏。即由舊路棄藏北歸。崎嶇凍餒。得還伊犁者不及一半。清軍遂乘勝入藏。擁新達賴喇嘛於九月登座。使掌藏地。而以藏人所立之僞達賴歸京師。諸喇嘛之助逆者則皆誅之。割巴塘以東隸四川。留蒙古兵二千戍藏。詔封拉藏汗舊臣康濟鼐爲貝子。掌前藏。頗羅鼐爲台吉。掌後藏。御製平藏碑。勒石於拉薩之大招寺。西藏悉平。自達賴五世卒後。桑結擅權。以僞亂真。諸部鬭鬪。進部乘之。西陲倏擾三十餘年。至是始獲平定。

附記

西藏雖爲釋教。宗主國。然非古佛國也。佛法出五印度。更在西藏之西。逾蔥嶺。越廓爾喀。方至其地。西藏則在葱嶺以東。故唐以前。羅什元奘之譯經。皆從涼州。西出陽關。玉門。至南天竺。達摩諸高僧。又皆自南海。皆不經藏地。西藏佛教之盛。蓋自元明始。其所崇拜之紅黃兩教。與古佛法。尤不相同。然蔥嶺以東。除天。山。南。路。回。部。諸。城。郭。自。爲。宗。教。

外其厄魯特。青海。喀爾喀。諸蒙古。及滇蜀邊諸土司。皆皈依黃教。使無世世轉生之神。僧。以鎮撫僧俗。則數百萬衆。必互相雄長。狼子野心。且驟決而不可制。邊地好殺。惟佛說戒殺。能

降伏其心。此固非堯舜周孔之教所能馴擾而懷柔也。歟。如此義者。可以知康雍諸帝尊崇黃教。固有所非如元明兩朝之佞佛而求福者比矣。

遣官祭告天地

綱辛丑六十年春二月遣官祭告天地太廟社稷 帝以御極六十年

大慶特遣官祭天地太廟社稷以答神庥

山東王美公之亂

綱山東王美公作亂 美公山東鹽徒也聚眾為亂自稱大將軍為山

東官兵所擒獲詔都統托賴侍郎張廷玉學士登德祥訊誅其魁七人餘
戍科布多烏蘭古木

綱三月詔平逆將軍延信都統武格副都統吳納哈帥師駐西藏

綱夏五月詔大將軍允禩駐兵甘州 議政大臣等議奏大將軍允禩

奏紮巴爾庫爾之兵征取吐魯番其屬策安阿喇布坦之人必然震恐遂

漸投順來歸但甘州肅州等處之滿洲綠旗兵見俱撥往巴爾庫爾應將

臣處所有之兵帶進甘州肅州駐紮為其聲援查肅州地方褊小甘州稍

覺廣闊應令大將軍允禩帶領見在西寧所有之兵前赴甘州駐紮辦理

調遣之事至西寧地方緊要應派大臣一員駐紮管理得旨依議

綱六月臺灣民朱一貴作亂水師提督施世驃總兵藍廷珍討平之

初臺灣府知府王珍稅斂苛虐捕私伐山木之民二百人妄刑之鳳山民

臺灣朱一貴之亂

詔允禩駐兵甘州

印景龍
戰死

全臺俱
陷中興王

樹大清
良民旗
幟

黃殿等因民不忍遂謀亂以一貴朱姓可託明裔奉爲主率衆數百夜劫
岡山塘汛又劫樵榔林汛戕把總掠軍械總兵歐陽凱遷延出兵則敵兵
已熾游擊周應龍遁歸參將印景龍戰死府城大震游擊劉得紫方破賊
而把總楊泰通賊爲內應殺總兵歐陽凱官兵大潰劉得紫還救馬蹄被
執副將許雲水師游擊游崇功血戰至日中矢砲俱盡各殺數十人而死
府城遂陷台廈道梁文煊知府王珍等俱渡海而遁而北路民賴池張岳
等同日陷諸羅殺參將羅萬倉凡七日而全臺陷一貴自稱中興王年號
永和封其衆公侯太師將軍總兵以千計民爲之謠曰頭冠明朝冠身
衣清朝衣五月稱永和六月還康熙時總督覺羅滿保疾馳至廈門提督
施世驃已先二日率師出港滿保復調總兵藍廷珍會世驃於澎湖共兵
萬二千舟六百艘守備林亮千總董方先以六舟冒死直進攻其礮臺守
台者死無算遂揚帆渡鯤身鯤身海沙也膠淺不能行大舟是日海潮驟
漲四百餘艘齊薄岸敵黨方自相攻擊不及列隊迎拒遂遁保安平鎮旋
爲廷珍攻破乃退保府城不敢出世驃下令禁殺掠降者皆樹大清良民
幟於門於是遠近脅從大半解散廷珍別率舟師設伏西港敵與林亮等

臺灣平

賜千叟宴

帝崩

政術最著者二

提倡文學之功尤大

方慶戰突遇伏乃大潰世驃亦分敗西南兩路之敵同日抵府城一貴走
灣裏溪爲村民擒獻檻送京師磔于市其敗逃之周應龍及棄臺逃回各
官訊治伏法

綱壬寅六十一年春正月賜千叟宴 旨召旗滿洲漢軍文武大臣官員
及致仕退斥人員年六十五以上者三百四十人宴於乾清宮前名曰千
叟宴

綱冬十一月戊子帝不豫甲午帝崩 旨帝疾大漸命召皇四子允禩既

至告以病勢日臻之故未幾崩於寢宮在位六十一年壽六十有九諡曰

仁皇帝廟號聖祖聖祖在位六十一年內則鞏固國基外則恢張國勢清

代二百六十年之基業實帝一人奠之其政術之最著者有二一曰寬容

以安漢人之心如歷次蠲免天下錢糧滋生人丁永不加賦尊孔重儒開

鴻博之科以登用漢人使漢人得遵行其各種舊風俗而不加干涉之類

是也一曰嚴厲以戢漢人之氣如莊廷鑑著明史而追戮其尸戴名世著

南山集而舉族棄市之類是也此外提倡文學之功尤爲宏大除開館纂

修明史外又勅令儒臣編撰羣書如易折中詩書春秋傳說三禮義疏性

好學出於天性

皇四子允禩即位

理精義朱子全書通鑑輯覽圖書集成以及古文淵鑑佩文韻府淵鑑類函駢字類編康熙字典子史精華數理精蘊歷象考成等都數十種甚至書畫律呂五行家言占候雜說苟其旨不悖於大道者莫不授意儒臣輯為定本於乎盛哉蓋帝之好學出於天性年十七八時讀書咯血不肯稍休至老耄而手不釋卷臨摹法帖多至萬餘寫寺廟扁榜多至千餘上自天象地輿曆算音樂法律戰術下至騎射醫藥蒙古西域拉丁文字無所不習且無不創立新法別啓津途其所譯著之算學借根方及皇輿全覽圖譯審精密遠過前代尤足為科學思想漸次發達之一證詩曰倬彼雲漢為章於天周王壽考遐不作人其帝之謂乎

附記

康熙帝在位六十一年其政治之精神首在務精勤成荒念尙實際屏虛文一切起居飲食皆有常度未嘗少改雖燕居醜處未嘗免冠北征渡漠南巡治河雖卒役不能論其勞祈雨禱病步行天壇並歷醫館鹽不仰年輪六十猶帶病而力行之嘗自言昔人謂帝王當舉大綱不必兼綜細務予謂不然一事不謹則貽四海之憂一時不謹則貽百世

之患不矜細行終累大德故予每遇一事必加詳慎不肯稍忽即羣臣之奏內有一字之謬亦必為之改正發出云云噫精勤渾勵必敬必恭如康熙帝者於君主為人民公僕之義庶幾得之

綱皇四子允禩即位以明年為雍正元年 皇四子生於康熙十七年

至是春秋四十有五矣帝天表奇偉隆準頎身目光炯然音吐洪亮幼眈

必擇一剛堅不
可奪志
之人為
爾曹共
主

召十四
阿哥允
禪來京

書史博覽弗倦精究性道之原旁澈禪宗之奧每籌度事理評騭人才因
端竟委燭照如神輜略機宜皆所洞悉猶逮事曾祖母孝莊文皇后祖母
孝惠章皇后備膺慈眷侍奉聖祖仁皇帝孝恭仁皇后盡禮盡敬尤能仰
慨歡心聖祖常稱其純孝居藩邸數十年無私交無黨援無干警兼道守
義崑然自重嘗隨聖祖親征統率將士軍紀肅然初錫封多羅貝勒繼晉
封和碩雍親王每直車駕巡方輒命扈行軍國大計每多諮決初皇太子
允礽之再廢也儲位久虛諸王逐鹿朝臣各有所黨聖祖惡之嘗語諸大
臣曰朕萬年後必擇一剛堅不可奪志之人為爾曹共主其意蓋隱指皇
四子然聖衷默定不遽發表恐諸王猜忌潛加謀害也及疾大漸召諸王
大臣至御榻前宣手詔曰皇四子人品貴重深肖朕躬必能克承大統著
繼朕卽皇帝位帝聞召馳至俄頃聖祖上賓帝慟哭仆地良久乃遵遺詔
卽位於梓宮前改明年為雍正元年

綱命貝勒允禩十三阿哥允祥大學士馬齊尙書隆科多總理事務

綱召大將軍十四阿哥允禩及前鋒統領弘曠來京以平逆將軍延信赴

甘肅管理大將軍印務 旨諭總理王大臣等西路軍務大將軍職任重

命延信
管理大
將軍印
務

封諸阿
哥爲王

大十四阿哥勢難暫離但遇皇考大事伊若不來恐於心不安著速行文
大將軍令與弘曙二人馳驛來京軍前事務甚屬緊要著平逆將軍延信
馳驛速赴甘州管理大將軍印務並行文總督年羹堯於西路軍務糧餉
及地方諸事俱同延信管理年羹堯或駐蘭州或至甘州辦理軍務或至
西安辦理總督事務令其酌量奏聞

○封貝勒允禩爲和碩廉親王十三阿哥允祥爲和碩怡親王貝子允禔
爲多羅履郡親王二阿哥子弘哲爲多羅理郡王

○十二月以富寧安爲武英殿大學士兼吏部尙書白潢爲文華殿大學
士兼兵部尙書

清鑑綱目卷五終

清鑑綱目卷之六

鹽城印鸞章編輯 金式陶 張延壽 趙雪 胡應庚 校訂

●世宗憲皇帝 名允禔。聖祖第四子也。母孝恭仁皇后。初封雍親王。即位後。建元雍正。在位十有三年。壽五十有八歲。

東華錄曰。仁皇后嘗夢身入望華殿。光炯照。音吐洪亮。舉止端凝。大智夙成。宏才駘應。尤上天表。奇偉隆準。履身雙耳。懷華日。光炯照。音吐洪亮。舉止端凝。大智夙成。宏才駘應。尤恭克讓。寬裕有容。幼耽書史。博覽弗倦。精究理學之源。旁徵性宗之旨。天章濬發。立說萬言。書法邁雄。兼妙衆體。每籌度事。理評騰人才。因端竟委。燭照如神。翰略機宜。皆所洞悉。而性尤純孝。婉愉愛慕。悉本乎至誠。逮事孝莊文皇后。孝惠章皇后。備俯恭容。侍奉皇祖。仁皇帝。孝恭仁皇后。盡禮盡敬。仰懷歡心。倘遇聖祖。遵和必躬。親視湯藥。問視惟虔。晝夜無少懈。聖祖常稱爲誠孝焉。平日無私交。無黨援。無干譽。秉道守義。疑然自重。嘗奉命隨征。統率將士。軍容肅然。初封多羅貝勒。晉封和碩雍親王。每值變駕。巡方翠華。駐蹕輒命。扈行軍國大計。亦多諧決。禮祀鉅典。恆令恭代。聖祖嘗諭諸大臣曰。朕萬年後。必擇一堅固。可託之人。與爾等作主。爾等永享太平。蓋天心默定。神器攸歸。久矣。康熙六十一年。壬寅十一月甲午。聖祖仁皇帝賓天上。遂卽帝位。

訓飭百官

○癸卯。雍正元年春正月。詔訓百官。○連頒諭旨十一道。訓飭督撫提

鎮以下文武各官。上自督撫。下至州縣小吏。皆發數千言諭旨。大要以行政之緊縮與整頓爲歸。一洗康熙末年寬大縱容之弊。

○大學士王揆乞致仕。許之。○時揆年七十餘矣。初皇太子允禔再廢

儲位久虛。諸生謀奪嗣位。黨爭甚烈。聖祖怒甚。窮究主謀者。竟置太傅馬

齊於法。拘拿革職。因語諸臣曰。朕必立一剛堅不可奪志之人。爲爾曹共

王揆乞致仕

當言天下第一事

以唾濡墨覆奏

陳鵬年卒

定起科之制

主蓋隱指帝時諸臣莫有知者惟揆微窺其意自以受恩深重當言天下第一事因上疏請立皇四子為儲貳媿媿數千言疏上留中會言官有合詞言立儲事者聖祖疑為揆所授意大怒發揆前疏召諸王大臣會議而責揆以植黨希恩舉朝震怖以為禍且不測而揆陽陽如平時徐就階石上裂生紙以唾濡墨覆奏語懇懇無所撓聖祖意解謫揆戍邊以年老命子奕清代往及聖祖崩帝奉詔即位召揆復故官慰諭久之揆謝曰天生聖人為社稷福老臣何敢居功也至是以年老乞致仕帝優詔許之

二月以張鵬翮為文華殿大學士兼吏部尚書

鵬年治武陟河決口日夜立風雪中得疾而卒喪歸繞棺哭者數萬人鵬年湖南湘潭人康熙進士初任江寧知府廉

幹得民心人稱之曰陳青天旋為總督阿山誣劾下獄江寧人痛哭罷市學使者按試句容八邑生童皆火其卷去事白起為蘇州知府累擢至河

道總督常以澤不被民為恥既卒河南江寧西安皆建祠祀之

定起科之制 諭戶部國家承平日久生齒殷繁土地所出僅可贍

給倘遇荒歉民食難難將來戶口日增何以為業惟開懇一事於百姓最

定直省
督撫兼
銜例

御乾清
宮聽政

有裨益但向來開墾之弊自州縣以至督撫俱需索陋規致懇荒之費浮於買價百姓畏縮不前往往膏腴荒棄豈不可惜嗣後各省凡有可懇之處聽民相度地宜自墾自報地方官不得勒索胥吏不得阻撓至升科之例水田仍以六年起科旱田以十年起科著爲定例

○三月撤西藏駐防官軍及西寧八旗兵設戍於察木多

○封川陝總督年羹堯爲三等公 ○賞其平定西藏之功也

○定直省督撫兼銜例 ○吏部遵旨議覆直省督撫兼銜查川陝總督

統理西安甘肅四川三處事務控制番羌兩江總督統理江蘇安徽江西

三處事務地連江海俱應授爲兵部尙書兼都察院右都御史其餘總督

及各省巡撫仍照舊例由各部侍郎及別項官員補授總督者俱改爲兵

部右侍郎兼都察院右副都御史由侍郎補授巡撫者亦改爲兵部右侍

郎兼都察院右副都御史由學士副都御史及卿員布政使補授巡撫者

俱授爲右副都御史由左僉都御史補授巡撫者改爲右僉都御史永爲

定例從之

○夏四月復日講起居注官丁卯帝初御乾清宮聽政

詔修明史

定立儲法

乾清宮正大光明殿

青海羅卜藏丹津之亂

綱秋七月以隆科多王頊齡字顯士華亭人為明史監修官徐元夢張廷玉朱軾覺羅逢泰為總裁官 目詔修明史故也

綱八月密封建儲錦匣於乾清宮正大光明扁額後 目帝召總理事務王大臣滿漢文武大臣九卿入面諭曰聖祖為宗社臣民計慎選於諸子之中命朕繼承統緒於去年十一月十三日倉卒之間一言而定大計薄海內外莫不傾心聖祖之精神力量自能主持若朕則豈能及此也朕諸子尚幼建儲一事必須祥慎此時安可舉行然不得不預為之計今特將此事親寫密封藏於匣內置之乾清宮正中正大光明扁額之後此乃宮中最高之處以備不虞諸王大臣咸宜知之旋命諸臣退仍留總理事務大臣將密封錦匣收藏於乾清宮正大光明扁額後乃出

綱九月詔京尹行卿飲酒禮

綱青海酋羅卜藏丹津寇西寧筆貼式多爾濟死之冬十月命川陝總督年羹堯為撫遠大將軍卒兵進討四川提督岳鍾琪為奮威將軍參贊軍務 目青海者漢之西海郡也在甘肅西寧縣西三百里其水周七百餘里羣山繞之瀦而不流中有二島不通舟楫唯冰合可渡古所謂弱水是

也。環海而居者，皆蕃族。唐末併入吐蕃，於是始崇佛教。迨至明清一併於蒙古之俺答，再併於蒙古之厄魯特，於是始爲青海蒙古。康熙末年，旣平西藏，未幾復有青海羅卜藏丹津之亂。羅卜藏丹津者，厄魯特和碩特部固始汗之孫也。初，固始汗以明末襲有青海地，太宗崇德時嘗遣使入貢。世祖時錫封爲汗，賜甲冑弓矢，俾轄諸厄魯特。順治十三年，固始汗卒，其裔分爲兩支，一駐西藏，一分牧青海及河套。迨噶爾丹興，河套青海皆爲所殘破，其內徙者或遊牧賀蘭山，是爲阿拉善蒙古之祖。康熙三十七年，噶爾丹敗死，固始汗子達什巴圖爾率其族屬來朝，詔封達什爲和碩親王，餘授貝勒、貝子、公爵等，有差是爲青海爲中國外藩之始。西藏之役，青海兵與焉。及西藏平，達什適卒，其子嗣襲王位，卽羅卜藏丹津也。羅卜藏丹津雄武有膽略，自以青海及西藏舊皆和碩特領土而已，又爲固始汗嫡孫，當恢復先人霸業。雄長諸部，會聖祖崩，世宗新立，丹津思乘機脫離中國羈絆。雍正元年，丹津遂陰誘諸部喇嘛盟於察罕托羅海，令各仍故號，不得復稱王貝勒，而自號達賴渾台吉以統之，並約準部酋策妄阿拉布坦爲後援。於是青海與準噶爾之合縱勢成，而遠近遊牧喇嘛二十餘

年羹堯
征青海

命地方
官照看
西人

刊刻聖
諭廣訓

萬亦同時騷動。入寇西寧。筆貼式多爾濟被虜。刼去。不屈身死。帝聞警。卽以四川總督年羹堯為撫遠大將軍。駐節西寧。而以提督岳鍾琪為參贊。率兵進討。羹堯分兵三路。一軍北進。扼布隆吉河。防其內犯。一軍南行。守巴塘裏塘等地。斷其入藏之路。更以一軍直趨西北。屯吐魯蕃一帶。絕其與準噶爾之交通。羅卜藏丹津聞之。奪氣。帝乃益趣年羹堯進兵。

綱十二月。革十二阿哥允禩爵。 旨允禩以不敬謹辦事。革去郡王。仍在原固山貝子上行走。

綱命地方官沿途照看西洋人。 旨禮部奏浙閩總督覺羅滿保奏。西洋人在各省起蓋天主堂。潛住行教。人心漸被煽惑。請將各省西洋人除送京效力外。餘俱安插澳門。應如所請。天主堂改為公所。誤入其教者。嚴行禁飭。帝以西洋人在各省居住年久。今該督奏請搬移。恐地方之人妄行擾累。命行文各省督撫。伊等搬移時。或給與半年數月之限。其來京與安插澳門者。委官沿途照看。毋使勞苦。

綱甲辰二年春二月。刊刻聖諭廣訓。頒布天下。 旨帝以聖祖御製聖諭十六條。頒行日久。慮民間或怠。乃復尋繹其義。推衍其文。共得萬言。名曰

年羹堯
岳鍾琪
平青海

羅會衣
番婦衣
宵遁

聖諭廣訓並製序文刊刻成編頒行天下。

綱三月年羹堯岳鍾琪襲擊青海平之。目帝之趣年羹堯等進擊也。期以夏四月草木發生時進兵岳鍾琪上疏以爲青海寥闊番衆若散以待我我軍深入四面受敵此危道也不如乘春草未生以精兵五千馬倍之兼程前進擣其不備可以必克帝壯之詔專任岳鍾琪出兵二月鍾琪兵出塞破賊於哈達河斬千餘人追奔一晝夜路見獸走曰此前必有虜也銜枚疾進果獲百餘人盡殲其哨探之卒由是我師所至衆莫能測鍾琪率所部蓐食銜枚連宵進行距羅卜藏丹津所居僅百有六十里乃拔隊疾馳直抵羅會帳羅尙高臥未起馬皆不設銜勒衆不意我師之猝至倉皇不知所爲遂大潰羅會衣番婦衣騎白駝遁走我兵窮追日行三百里數日至桑絡海紅柳蔽天彌望不可極乃收軍而返桑絡海者青海西藏接界處當河源之西七百餘里蓋我軍慮賊南入衛藏渡河西南追而敵已潛度噶爾遜河橫越戈壁北奔準噶爾矣故追之不能及也是役也俘羅會母阿爾太克敦及其弟妹及逆黨台吉數十人斬八萬餘級降男女數萬駝馬牛羊器械甲帳無算自出師至克敵巢凡十五日往返未兩月

而獻俘京師。自來用兵成功之捷，未有如此役者。帝命恭告景陵，勒碑太學，以紀其功。已而詔除羌渾土司奴隸之苦，使與諸蒙古部分班入貢。置西寧辦事大臣，以統轄之。青海悉平。

詔封年羹堯

綱 詔封年羹堯為一等公，賞一精奇尼哈番。進岳鍾琪為三等公。**目** 酬平青海功也。旋封羹堯之父年遐齡為一等公，加太傅銜，賜緞九十匹。

綱 夏四月，詔續纂大清會典。

綱 五月，莊浪番人作亂。年羹堯岳鍾琪討平之。**目** 時莊浪謝爾蘇部落

年羹堯岳鍾琪討平莊浪番

番人，首倡為亂，擅據桌子山、碁子山，又涼州南崇寺之沙馬拉木札木巴等，與蒙古通連，搶掠新城、張義等堡。又郭隆寺、郭莽寺逃出之喇嘛煽惑西寧之納朱公寺，朝天堂，加爾多寺番人，與莊浪番人勾通，並不歸順。大將軍年羹堯調遣奮威將軍岳鍾琪等統率官兵進剿於山險林密之地，奮戰五十餘日，盡行勦滅。事聞，帝大悅，加大將軍年羹堯一等阿思哈尼哈番世職。

綱 革郡王十阿哥允祿爵，永遠拘禁。**目** 謂其奉使口外不肯前往也。

綱 西藏噶布倫作亂，殺貝子康濟鼐。後藏台吉頗羅鼐討平之。**目** 自康

革允祿爵

西藏噶
布倫之
亂

塞德請
立井田

熙末年平定西藏後藏中噶布倫等三人忌貝子康濟鼐專權至是聚兵
爲亂戕殺康濟鼐欲投準噶爾詔將軍查郎阿率川陝滇兵萬五千有奇
進討未至而台吉頗羅鼐率後藏及阿里在今後西藏兵九千截敵去路擒首
逆誅之詔以頗羅鼐爲貝子總藏事賜犒兵銀三萬兩留大臣正副二人
領川陝兵二千分駐前後藏鎮撫之是爲中國大臣駐藏之始自是西藏
遂完全爲中國領土

○六月戶部侍郎塞德奏請設立井田從之
○戶部議覆戶部侍郎塞德奏請設立井田查內務府餘地一千六百餘頃入官地二千六百餘頃
應於此內擇二百餘頃爲井田將八旗無產業人自十六歲以上六十歲
以下者派往耕種滿洲五十戶蒙古十戶漢軍四十戶共一百戶各受田
百畝周圍八分爲私田中間百畝爲公田共力同種俟三年後所種公田
之穀再行徵取於革職大員內揀選二人勸教管理三年分別議敘每年
十月後農事旣畢校園學射並令戶部派員往視設立村莊蓋造土房四
百間計口分給其耕種之人每人給銀五十兩以爲置辦種粒牛具農器
之用其井田地畝儻有旗民交錯之地請將附近良田照數給換從之

升從祀
孔廟三
十一人

綱秋七月命郡王十四阿哥允禩往守京陵。 **目**允禩自西軍詔歸後覲帝時不肯跪拜服臣子禮帝不悅至是命往守景陵。

綱八月升從祀孔廟三十一人。 **目**禮部等衙門遵旨議從祀孔廟宜復祀者六人林放、蘧瑗、秦冉、顏何、鄭康成、范寧、宜增祀者二十人縣、賈、牧、皮、樂、正子、公都子、萬章、公孫丑、諸葛亮、尹焞、魏了翁、黃幹、陳淳、何基、王柏、趙復、金履祥、許謙、陳潛、羅欽順、蔡清、陸隴其入崇聖祀者一人張迪、宜增置博士者四人冉雍、冉伯牛、子張、有若、此三十一人或親承訓論遞衍源流或遠契心得倡明正學升諸從祀之列予以延世之賞得旨諸臣參考周詳評論公正甚合朕心著依議行。

綱十一月詔禁出殯演戲。 **目**下詔兵民人等出殯時不得前列諸戲又嚴禁出殯前一日聚集親友設筵演戲。

綱十二月故太子允礽卒。 **目**追封爲和碩理親王諡曰密。

綱封朝鮮國王世弟李吟爲朝鮮國王。 **目**朝鮮國王李昀卒詔遣散秩大臣覺羅舒魯翰林學士阿克敦前往致祭賜諡恪恭並冊封其世弟李吟爲朝鮮國王。

封朝鮮
國王

故太子
允礽卒

詔免大將軍年羹堯職

龍之愈至疑之愈深

綱乙巳三年夏四月詔免撫遠大將軍年羹堯職補授浙江杭州將軍以提督岳鍾琪署理川陝總督印務 四年羹堯自總督四川後兵權隆重康熙五十八年皇十四子允禩爲撫遠大將軍視師青海倚畀羹堯甚至及聖祖崩帝卽位召允禩還京以宗室覺羅延信代領其衆飭羹堯於軍事糧餉及地方各事俱關白延信協同管理是時帝已有疑羹堯之心特以羹堯在西邊久老於兵事威望甚著未便移易未幾又以平西藏功封三等公授撫遠大將軍未幾又以平青海功進一等公加其父遐齡太傅銜凡所以尊寵之者靡所不至然寵之愈至而疑之亦愈深四川巡撫蔡珽威逼所屬知府蔣興仁自盡刑部擬斬而帝以案由羹堯參劾特旨免蔡珽死罪並擢爲左都御史帝之疑忌羹堯已可概見至是帝以西陲軍事將竣有謂羹堯與諸王朋比密謀廢立者帝大怒隨諭大學士等曰近來年羹堯妄舉胡行既妄參金南瑛等員騷擾南坪寨番民詞意支飾含糊具奏又將青海蒙古饑饉隱匿不報此等事件不可枚舉年羹堯從前不至於此或係自恃已功故爲怠玩或係誅戮過多致此昏憤如此之人安可仍居川陝總督之任朕觀年羹堯於兵丁尙能操練著調補浙江杭

岳鍾
署理川
陝總督

詔免太
保隆科
多職

抹去掌
中十字

州將軍川陝總督印務以甘肅提督岳鍾琪署理其撫遠大將軍印命齎送來京六月又下諭曰年羹堯大罪顯露而伊子年富年興等尙無畏懼之形隨處爲伊父探聽音信且怨憤見於顏色年富年興俱著革職交與伊祖年遐齡管束倘仍不悛改定行正法

綱秋七月詔除隆科多太保職銜 隆科多爲佟國維之子國維爲孝懿仁皇后之父帝之元舅也相傳聖祖疾大漸時帝與諸皇子方在宮門問安隆科多獨受顧命於御榻前對於皇位問題聖祖親書皇十四子四字於其掌俄而聖祖崩隆科多趨出帝迎問遽抹去其掌中所書十字祇存四字帝遂得立既卽位禮遇隆科多極爲優異詔廷臣凡章奏皆書舅舅隆科多帝手詔亦稱爲舅舅而不名命與十三阿哥允祥總理政務又命承襲一等公爵尋賞給阿達哈哈番世職授吏部尙書加太保所以尊寵之者匪所不至未幾隆科多恃寵驕恣且與年羹堯比密謀廢立帝眷頓衰及是因年羹堯之獄隆科多議免革年羹堯公爵帝不悅都察院因參奏隆科多曲護徇庇又有謂其恃寵驕恣在吏部辦事專擅且與年羹堯比密謀廢立者帝大怒遂下詔削太保銜未幾詔奪世爵罰往阿爾泰

劃定邊界贖罪隆科多既處罰而諸王之獄起矣

附記

隆科多抹掌權帝事雖係傳聞然非絕無根據考隆初起時諡旨有云皇考升遐之日大臣承旨者惟隆科多一人又云皇考升遐之日召朕諸兄弟及隆科多入見

以防不測云云則是嚴案詔書前後自相矛盾當日曖昧情事豈可想見世傳雍正初直省鄉試考官有以論語或問締之說至指其掌全節命題者皆中以他罪誅之其說正與此相發明存疑可也

革允禩爵

綱八月革貝子九阿哥允禩爵 **目**隆獄起後諸王獲罪者首為允禩議

政大臣謂其縱容屬下騷擾地方毆打人民遂降旨革爵

降允禩爵

綱冬十二月降郡王允禩爵為固山貝子 **目**允禩為十四阿哥聰慧多

才略康熙末年以征西藏故授為撫遠大將軍柄用隆重異於諸阿哥帝即位之初即首召回京解其兵柄既至京以覲見時不肯跪拜故命往景陵至是議政大臣又奏允禩前為大將軍時任意妄為苦累兵丁侵擾地方軍需帑銀徇情糜費詔降爵為固山貝子

殺年羹堯及其子年富

綱殺前撫遠大將軍年羹堯及其子年富 **目**初年羹堯之自西軍還京

也軍威甚盛黃纒紫駟絕馳而行帝郊迎之羹堯與帝並轡行百官皆伏地謁羹堯不為動帝大不懌因有誅之意既調補杭州將軍未幾復詔革杭州將軍任授為閒散章京在杭州效力行走至是議政大臣等奏年羹

九十二
大罪

堯反逆不道。欺罔貪殘。罪迹昭彰。彈章交至。謹將其罪案列欵陳之。凡大逆之罪五。欺罔之罪九。僭越之罪十六。專擅之罪六。貪黷之罪十八。侵蝕之罪十五。殘忍之罪四。凡九十二大罪。請立正典刑。以彰國法。帝以羹堯有平青海功。令其自裁。父遐齡以老免死。子年富立斬。其餘十五歲以上之子。發往廣西雲南極邊烟瘴之地充軍。族中有候補文武官者俱革職。有匿養年羹堯子孫者以黨附叛逆例治罪。

附記

年羹堯之死。或謂其當征西凱旋時。軍威甚盛。黃彌紫駟。絕馳而行。帝郊迎之。羹堯與帝並轡行。百官皆伏地謁羹堯。不為動。帝大不懌。因有誅之之意。又謂羹堯任川

陝總督時。以日月合璧。五星連珠。奏賀。帝以其奏本內字體潦草。且將朝乾夕惕。寫作夕惕。朝乾大怒。謂其恃功驕蹇。顯露不臣之迹。因有誅之之意。其實皆非也。雍正猜忌。根於天姓。

其獲罪之由。全在用兵青海時。與皇十四子允禩。激抗一氣。及允禩詔歸。允禩戍西寧。甘肅西寧縣。又有與羹堯密謀廢立之謠。帝為摧殘。諸王黨羽計。不得才殺羹堯。以孤

其勢。此羹堯被殺之最大原因也。

綱殺浙人汪景祺。目景祺浙江人。豪邁有才氣。嘗作西征隨筆於康熙

時政。頗多不滿。為人首舉刑部衙門議奏。妄作西征隨筆之汪景祺。應照

大不敬律。擬斬立決。得旨。汪景祺作詩譏訕聖祖仁皇帝。大逆不道。應當

處以極刑。著立斬梟示。其妻子發往黑龍江。給與窮披甲之人為奴。其期

服之親兄弟親姪俱著革職發遣。寧古塔。其五服以內之族人見任及候

殺汪景
祺

允禔奏
陳水利
替田事

選候補著俱查出一一革職交伊本籍地方官約束不許出境

○**直隸地方高亢向來**

旱勞無備皆因水利未興所致帝特命怡親王允禔及大學士朱軾前往

查勘未幾奏陳直隸水利營田事宜三款並繪圖進呈得旨着九卿速議

具奏至是戶部等衙門遵旨議准覆奏

略謂據和碩怡親王等疏言直隸之衛河淀

海其直隸水道之大略也衛河與汶河合流東下德棣倉景以下各多淺阻一遇伏秋暴漲不免

漲溢請將滄州南之磚河青縣南之興濟河故道疏濬於舊時建開之處築減水壩以洩餘河之

漲靜海縣權家口亦築減水壩白塘口入海之處並開直河一道使磚河與濟河之委同歸白塘

出口修理海口舊開以時啓閉則滄瀛以北水利興而水患除矣東西二淀跨雄霸等十餘州縣

均應疏濬深廣並多開引河使諸淀脈絡相通其已淤為田畝者四面開渠中穿溝洫庶圩田旱

澇有備其趙北苑家二口為東西二淀咽喉趙北口隄長七里板石橋共八座俱應升高加闊苑

家口北之中亭河上流之玉帶河西經廣平正定而滹沱滄陽大陸之水會焉其下流有清河夾河

為滹漳下流清濁二源發源山西經廣平正定而滹沱滄陽大陸之水會焉其下流有清河夾河

月河皆分子牙之流同趨於淀宜開決分注以緩子牙河奔放之勢永定河俗名渾河水濁泥多

故道遂運恩白柳又口引之船北繞王慶沱之東北入淀兩河淀內之隄至三角淀而止為築淀

之歸宿應照舊道開通逐年疏濬兩河之獨流自不能為患矣至各處隄防衝潰甚多均應疏濬

修築再請於京東之灤薊天津京南之文霸任邱新雄等處各設營田專官經畫經理召募老農

一勸導耕種民力不辦者勸支正項錢糧代為經理則熟歲收十分之一以補庫帑足額而止營田

一頃以上者分別獎賞有能出費代營者民則優旌官則議敘至各屬官田約數萬頃請遣官首

先舉行為農倡率民間田廬有礙水道者計畝抵撥視其畝數加十之二三河淀

淤地必須挖掘者將附近官地照數撥抵則營田水利人皆趨事樂從矣從之

○**丙午四年春正月詔改八王允禩名為阿其那九王允禔名為塞思黑**

俱屏之宗籍之外

○**帝之始嗣位也康熙帝態度未明諸王多不承認**

詔改允禩禔名

因相與散布謠言誣帝以種種不德並謂帝之嗣立實非先帝之眞意特爲其權謀所竊據甚至謂皇太子之被廢主謀者非頑愚之允禔亦非陰柔之允禩實出於帝之陰謀故帝卽位之初雖竭力寬和以收人心然終不能使諸王滿意反足以啓其野心雍正二年廢太子允禔忽死於幽禁之所諸王睹此悲劇不能無所感觸顧皇位既爲雄猜剛毅之帝所得則彼等不能不謀自樹立因並力要求土地如周初之封建帝堅執不許諸王無可如何於是各樹黨羽以自植氣勢帝復御製朋黨論一篇召集諸諸王宗室發布之並述及諸王比周朋黨有覬覦之志而諸王仍不悔改諸王者皆聖祖所生子也聖祖生三十有五子長允禔次允禔卽故廢太子三允禔四允禎卽帝五允禎六允祚七允祐八允禩九允禔十允禔十一允禔十二允禔十三允祥十四允禔十五允禔十六允祿十七允禔十八允禔等皆封爲郡王貝子貝勒其中八王允禔尤以柔奸手段籠絡人心聲勢甚盛一時允禔允禔允禔等爲所誘惑深相結納然以允禔矜立名譽才望爲諸王冠頗難遽加以罪因封允禔爲廉親王與怡親王允禔同理政務而安置允禔於西寧以孤其勢已而允禔在西寧以西洋人穆

造新體字爲密書

宜布允禔允禛

譯言猪狗之義

經遠爲謀主造新體字爲密書與允禔相往復令允禔允禔及舅舅隆科多等謀之於內而已與年羹堯等應之於外內外盤結勢且不測同時帝以祕密偵探察知幽隱遂爲先發制人計削隆科多職殺年羹堯降允禔王爵至是復下詔宣布允禔允禔罪惡並歷數其陷害故太子及結黨營私之祕謀布告中外命王大臣會議處置之策並詔改允禔名爲阿其那允禔名爲塞思黑俱削籍離宗革去黃帶子阿其那塞思黑皆滿洲語譯言爲猪狗之義蓋惡之甚也是年六月王大臣連署奏允禔罪狀四十款允禔二十八款允禔十四款請駢誅之帝念手足之誼不忍置之死命革爵圈禁幽置允禔於宗人府允禔於保定俱圈禁高牆未幾允禔允禔俱由禁所報告病故允禔初拘留於馬蘭峪旋撤回禁錮壽皇殿其黨鄂倫岱阿爾松阿等俱坐死平郡王訥爾素革爵在家圈禁並嚴禁諸王自此不得更與外省官吏接納除歲時朝見外不許於邸第私謁云

附註

雍正初諸王謀傾帝位其勢甚熾然皆不能出世宗嚴密之布置在未改允禔允禔名字以前有一重要諭旨不可不注意即雍正三年帝命宗人府論允禔擅殺兵士

即撤去王府所屬下五旗佐領是也其諭略云上三旗風俗惟知有君上方直剛正志不可

不知有主人何至於今遂舉一至於此昨日都統武格在朕前奏對尚呼犯罪者之允禔爲主人武格卽一無知武夫何大義不明如此古人謂天無二日民臣二王臣子之於君上

賜名教
罪人類

樹不忠
不孝碑

即天經地義所在安更有所謂主人云云觀帝此言可知當時八旗子弟皆已變為諸王爪牙不從帝室命令而諸王亦恃此權力以與帝室抗行斯時帝既欲禁抑諸王不得不先撤八旗佐領逾八旗佐領既撤而諸王之兵柄解羽翼失拘拿幽禁可以任帝所為矣世每以禁抑諸王為世宗病平心而論當時諸王爭權噴勢各企自立其結果必非國家之福世宗之嚴毅壓迫使不得發展固出於自衛抑亦謀帝室之安全也八旗者上三旗為鑲黃正黃正白屬之君上太祖以來用為自衛親兵凡禁衛侍衛等職皆由上三旗亦稱內府三旗下五旗為鑲白正紅鑲紅正藍鑲藍則屬之諸王開國以來其制如此至雍正時弊風始革

綱三月革侍講錢名世職銜並賜名教罪人匾額 目初名世嘗作詩投

贈年羹堯稱其功德並以平藏之役歸功羹堯謂當立碑於聖祖平藏碑

之後及年羹堯以罪死大學士九卿等奏錢名世以侍從清班獻詩年羹

堯極意諂媚甚屬悖逆之至應革職治罪得旨錢名世既以文詞諂媚姦

惡為名教所不容朕書名教罪人四字令該地方官製造匾額張掛錢名

世所居之宅並令在京見任官員做詩人刺惡之意各為詩文紀其劣蹟

彙刻成集頒行中外使天下讀書人知所激勸

綱命樹前大學士揆敘尚書阿靈阿墓碑 目諸王既獲罪帝以前大學

士揆敘前尚書阿靈阿曾朋比允禩傾陷東宮特命於其墓所各樹一碑

揆敘曰陰險柔佞阿靈阿曰不忠不孝

綱五月命禁錮允禩於壽皇殿 目諸王大臣等奏允禩身為大將軍毫

革郡王
訥爾素

革徐元
夢職

殺查嗣
庭

雍正去
首

不效力止圖利已營私縱容屬下騷擾地方嚇詐官員固結黨羽心懷悖亂請卽正典刑以彰國法得旨前令允禩在馬蘭谷居住原欲其瞻仰景陵感發天良而允禩並不醒悟錮蔽日深令撤回禁錮壽皇殿其黨鄂倫岱阿爾松阿俱坐死

綱秋七月革多羅郡王訥爾素爵在家圈禁 旨宗人府奏多羅郡王訥爾素在西寧軍前貪婪受賄應永停俸祿得旨訥爾素行止卑污貪劣素著及著大將軍印務更肆婪賊索詐地方官銀兩犯法妄行情屬可惡著將訥爾素多羅郡王革退在家圈禁

綱八月革署理大學士戶部尙書徐元夢職 旨吏部議奏署理大學士事務戶部尙書徐元夢繙譯本章錯誤應革職交部治罪得旨徐元夢在內廷行走多年從寬免其交部著革職在內閣學士之列辦理票籤本章一切繙譯事務效力行走

綱秋九月下禮部侍郎查嗣庭獄殺之 旨查嗣庭浙江海寧人與吏部尙書隆科多相友善隆科多既得罪嗣庭之獄亦繼起先是嗣庭王考江西所出試題有維民所止句訐者謂維止二字係取雍正二字而去其首

譏刺時事

爾等漢官

帝大怒諭內閣九卿翰詹科道等略謂查嗣庭向來趨附隆科多隆科多曾經薦舉朕令在內庭行走授爲內閣學士後見其語言虛詐兼有狼顧之相料其心術不端從未信任及禮部侍郎員缺需人蔡珽又復將伊薦舉今歲各省鄉試朕以江西大省須得大員以典試事故用伊爲正考官今閱江西試錄所出題目顯露心懷怨望譏刺時事之意料其居心澆薄乖張平日必有紀載遣人查其寓所及行李中則有日記二本悖亂荒唐怨誹捏造之語甚多又於聖祖仁皇帝用人行行政大肆訕謗以翰林改授科道爲可恥以裁汰冗員爲當厄以欽賜進士爲濫舉以戴名世獲罪爲文字之禍以趙晉正法爲因江南之流傳對句所致以科場作弊之知縣方名正法爲冤抑以清書庶常復考漢書爲苛以殿試不完卷黜革之進士爲非罪熱河偶發水則書淹死官員八百人似此一派荒唐之言皆未有之事而伊公然造作書寫至其受人屬託代人營求之事不可枚舉又有科場關節及科場作弊書信皆甚屬詭秘今若但就科場題目加之處分則天下之人必有以查嗣庭爲出於無心偶因文字獲罪爲伊稱屈者今種種實蹟具在尙有何辭爲之解免乎爾等漢官讀書稽古歷觀前代

詔停浙
江鄉會
試

以來得天下未有如我朝之正者。查副庭受朕格外擢用之恩，而伊逆天負恩，譏刺咒詛，大干法紀。着革職，拏問。交三法司嚴審定擬。後副庭在獄病故，仍戮尸示衆。子坐死。家屬並放流。

綱冬十月，詔停止浙江省鄉會試。以光祿寺卿印國棟爲浙江觀風整俗使。帝以查副庭爲浙江人，前汪景祺亦浙江人，同以文字譏訕獲罪，因深惡浙江人，特詔停浙江省鄉會試，以示懲戒。又諭九卿略謂：朕聞浙省風俗澆漓，甚於他省。若不力爲整頓，挽回及陷於罪，加以刑實有不忍。朕意專遣一官前往浙江省，問風俗，稽察奸僞，其如何設立衙門，鑄給關防之處，著祥議具奏。尋議查唐貞觀中置觀風俗使，巡省天下，觀風俗之得失。今遣官前往浙江省，問風俗，稽察奸僞，應授爲浙江等處觀風整俗使，鑄給關防，以重職守。從之。因授光祿寺卿印國棟爲浙江觀風整俗使，使往浙江省問風俗。

綱十二月，貴州狎苗作亂。雲貴總督鄂爾泰討平之。鄂爾泰，姓西林覺羅氏，滿洲鑲藍旗舉人。初以侍衛和聖祖，詩稱旨，遷內務府員外。又不附允禩，爲帝所知。雍正初元，擢江蘇布政使，專以摧抑強暴爲治。年羹堯

貴州狎
苗之亂

鄂爾泰
調兵進
剿

鄂爾泰
奏行改
土歸流
策

苗族之
遷徙

調杭州時。因事使人至蘇。爾泰厲聲色待之。由是大見信任。遷廣西。巡撫旋陞雲貴總督。貴州狎苗兇悍。長寨等一帶尤甚。焚毀劫掠。視爲慣常。所劫男女。又有川販沿途接應。故兇熾日熾。鄂爾泰調兵進剿。共攻破三十六寨。投誠二十一寨。招撫苗民五百餘戶。三千餘口。所獲器械什物無算。又查出熟田五千八百餘畝。熟地一萬四千五百餘畝。荒地九千六百餘畝。奉旨從優議敘。

圖鄂爾泰奏請平定苗疆。當行改土歸流策。許之。曰苗族當太古時。嘗盤踞於黃河流域。自黃帝戰勝蚩尤於涿鹿。其種人始退居於黃河以南。陶唐之世。苗民逆命。堯克之於丹水。則又驅諸江漢之間。舜竄三苗於三危。其族益徙而南。據彭蠡扼洞庭。恃險以抗中國。及殷高宗伐鬼方。周公旦懲荆舒。春秋之世。楚啓山林。漢開西南夷。三國吳平山越。其種人遂先後爲漢族所融化。有未經融化者。則大江一帶之平地。巢穴已失。率錯竄於南嶺一帶之高地。各據一方。各長其部。言語風俗。既不相同。種族名稱亦各殊異。川之夔粵之獯。黔楚之獠。滇蜀之獠。獠野人。皆此族也。惟此輩梗頑。不可強化。故政府之治也。常用羈靡政策。仍其舊俗。官其酋長。宋以

苗疆

苗亂之
原因

前有羈靡州之制。元人以其大部會爲宣慰司。其次爲宣撫。招討安撫等司。分土受官。其長官皆得世襲。握強大之自治權。明代因之。土司之名。蓋始於此。苗族旣南徙。相率竄居於滇黔川桂之一帶。山林地明。永樂時。貴州雖列爲行省。而其東南湘桂等處。仍爲苗蠻所據。以古州爲中心。周圍三千里。環寨千三百餘。名曰苗疆。其西北川滇黔三省之交。如東川鎮雄等處。亦爲苗族所據。明人嘗數次用兵。殫天下財力。未能蕩平。清初沿襲明制。分設土司。川黔滇桂湘粵各省皆有之。而隸屬於平西定南諸藩鎮。吳三桂之亂。諸土司頗爲所用。及事平。朝廷未能窮治。且苗民無知習於劫殺。不知耕作。朝廷又未能爲根本上之解決。施之教育。而俾其同化。而爲之土官者。又往往多係漢人。遷謫其地。竊其權而爲之君長。苛斂虐使。恣爲不道。鄰近之地方官。或以邊境錯雜。互相推諉。或以職權不屬。聽其跋扈。以是種種。爲患茲劇。而苗疆遂爲西南邊防上一大問題。至是鄂爾泰改土歸流之議。以起。鄂爾泰前旣討平貴州狝苗。然貴州東南境周二千餘里。爲苗族所佔。不能平定。且雲南西南界以瀾滄江。江內諸土司。與江外諸夷。交通爲患。又四川雲貴間。有東川烏蒙鎮雄三土府。於行政區

鄂爾泰
改土歸
流之計

佩滇黔
桂三省
總督印

劃屬四川而地理上則距四川省治幾二千里距雲貴省治皆近四川總督之統治力既以遼遠不能實施而雲貴督撫又以職權不屬聽其跋扈其他貴州廣西之間苗寨寥闊地方官常以境界之錯雜互相推諉以是邊患愈亟鄂爾泰觀此種種欲建一勞永逸之策謂雲貴大患在苗蠻欲治苗蠻當先改土歸流必改土歸流而後可以安民必歸併事權而後可以治苗蠻因上疏極言當時行政區劃之不當及歷朝以夷治夷之失計其疏略言雲貴大患莫甚於苗蠻欲安民必先制苗欲制苗必改土歸流而苗疆多與鄰省毗連又必歸併事權始可一勞永逸自元明以來相沿以夷治夷以爲鎮靜邊民被寇靡所捏訴若不剷蔓塞源縱兵刑財賦事事整飭皆治標而非治本今欲改土歸流其法以計禽爲上兵剿次之令其自首爲上勒獻次之惟制夷必先練兵練兵必先選將誠能賞罰嚴明將士用命先治內後攘外必能所向克捷實雲貴邊防萬世之利云云帝得疏甚喜知鄂爾泰才堪大用卽劃東川烏蒙雄鎮三十一府改隸雲南復鑄滇黔桂三省總督印與之並令兼制廣西於是爾泰遂得實行其改土歸流之政策

革部設
魯職

俄羅
遣使來
京

開閩省
海禁

禁鑄黃
銅器

○丁未五年春二月太常寺卿鄒汝魯革職治罪。○內閣太常寺卿鄒汝魯進河清頌內有舊染維新風移俗易語帝不悅交九卿公同嚴審定擬具奏尋刑部奏照律擬絞立決得旨著革職從寬免死發往湖廣荊州府沿江隄岸工程處效力。

○俄羅斯遣使來京。○俄羅斯察汗遣使臣薩瓦來京表賀登極貢獻方物並請求議訂喀爾喀界約帝命賞賚如例其請議喀爾喀疆界事則命超勇親王額駙策零與之會議於布拉河。

○三月開閩省海禁。○閩浙總督高其倬奏閩省福興漳泉汀五府地狹人稠自平定臺灣以來生齒日增本地所產不敷食用請復開洋禁以惠商民並令出洋之船酌量帶米回閩從之。

○夏四月申禁鑄黃銅器。○先是四年正月戶部等衙門議奏制錢日少皆由私毀不絕之故蓋以銀一兩兌大錢八百四五十文約重七斤有餘製造銅器可賣銀二三兩即如煙袋一物雖屬微小然用者甚多毀錢十文製成煙袋一具輒值百文有餘奸民圖十倍之利安得不毀請嚴立鑄黃銅器之禁紅白銅器仍照常行用其黃銅所鑄除樂器軍器天

平法馬戩子及五斤以下之圓鏡不禁外其餘不論大小器物俱不得用黃銅鑄造其已成者俱作廢銅交官估價給值儻再有製造者照違例造禁物律治罪詔從其議而民間鑄造如故至是復申禁之九月復嚴禁銷毀制錢惟一品官員之家器皿許用黃銅

詔除江南伴當世僕名色

圖詔除江南徽寧等處伴當世僕名色 圖諭內閣朕以移風易俗爲心凡習俗相沿不能振拔者咸與以自新之路如山西之樂戶浙江之惰民皆除其賤籍使爲良民所以勵廉恥而廣風化也近聞江南徽州府則有伴當寧國府則有世僕本地呼爲細民幾與樂戶惰民相同又其甚者如二姓丁戶村莊相等而此姓乃係彼姓伴當世僕凡彼姓有婚喪之事此姓卽往服役稍有不合加以箠楚及訊其僕役起自何時則皆茫然無考非有上下之分不過相沿惡習耳著該督撫查明定議具奏尋禮部議准安慶巡撫魏廷珍遵旨議奏江南徽寧等處向有伴當世僕名色請嗣後紳衿之家典買奴僕有文契可考未經贖身者本身及其子孫俱聽從伊主役使至年代久遠文契無存不受主家豢養者概不得以世僕名之永行嚴禁從之

與俄使
訂立恰
克圖條
約

互市問
題

布拉河
會議

綱秋八月額駙策凌與俄使薩瓦訂立恰克圖條約並議定邊疆立石定界。自尼布楚條約簽定後越三十年而有喀爾喀之交涉先是喀爾喀之內附也中國北境與俄領西伯利亞時起交涉蓋俄人夙通貿易於土謝圖汗部喀爾喀主權既歸中國則土謝圖亦爲中國所有於是中俄互市之問題起康熙五十八年俄皇大彼得遣正使義斯麻伊兒及副使蘭給齋國書至北京請改訂商約覲見時廷臣強其行跪拜禮節俄使有所抗議政府置不答留京半年義斯麻伊兒見不得要領遂返俄而使蘭給留京委以改正商約事是爲俄公使駐華之始蘭給在京屢求議約而政府待之不啻囚虜絕無與以論議之機會至雍正五年俄皇彼得已卒女帝加他鄰卽位復遣使拉克青斯奇來京申前議並議蒙古與西伯利亞界務世宗卽命超勇親王策凌內大臣四格侍郎圖理琛爲議約使會議於後貝加爾省之布拉河地方由兩國公使各遣員勘查邊境訂約十條是爲恰克圖條約卽以恰克圖爲通商市場兩國均不權稅此爲中國有商埠之始條約中大要如左

一兩國邊吏當查彼此逃人捕送本國但逃亡在和約締結以前者勿

論

二以恰克圖爲兩國通商之地西起沙弼奈嶺東至額爾古納河岸以山之陽爲中國以山之陰爲俄國各立界標誌之

三以烏特河地方爲兩國中立地彼此不得侵佔

四俄國商人得三年一至北京貿易但人數以二百人爲限留京不得過八十日往來當由官定之路徑不得迂道他往違者沒收貨物

五京師俄羅斯館聽嗣後俄人來京者居住俄公使欲於京師建會堂中國當予以補助聽俄國教徒居住教徒得依本國例規於堂內讀經禮拜

六兩國邊界各置頭目秉公辦理一切遞公文者來往當由恰克圖

立石定界

右約既定策零等回京具奏至是議政王大臣等議覆額駙策凌等奏臣等與俄羅斯使臣薩瓦等相見議定疆界事宜隨與內大臣四格侍郎圖理琛等以應立界石地方繕寫給與薩瓦薩瓦及布里雅特吳梁海等俱已心服俟其回時卽將界址山河地名繕寫繪圖恭呈御覽應照策凌等所議立石定界曉諭喀爾喀汗王各札薩克黑龍江將軍等令其約束屬

人不得越界生事至恰克圖日定爲貿易之所應派理藩院司官一員管理詔從之

附記

此次條約指定恰克圖爲市場而市場地點所在則俄自恰克圖以南滿自賣買城

金錢之交換止如古代以有易無之例俄人以黑羅紗及獸皮牛牛皮等來易我國之茶磚茶絹織物及棉布等而去其價值假使一疋上等羅紗當若干分量之茶一疋絹當若干之羊皮其後積久弊生互相欺詐我國往往言

下隆科
多獄

冬十月逮隆科多下獄永遠禁錮 隆科多前以徇庇年羹堯削太

保銜又以在吏部任用官吏不經奏請專擅選權奪除世職罰往阿爾泰

劃定邊界贖罪本年六月復以私抄玉牒存貯家中降旨詢問又不據實

具奏詔調回革職拿問其擅將玉牒底本私交隆科多之輔國公阿布蘭

着革去公爵圈禁高牆至是順承王錫保等遵旨審奏隆科多大不敬之

罪五欺罔之罪四紊亂朝政之罪三姦黨之罪六不法之罪七貪婪之罪

十六應擬斬立決妻子入辛者庫財產入官帝召議政王大臣內閣九卿

等諭曰隆科多所犯四十一款實不容誅但皇考升遐之日召朕之兄弟

及隆科多入見而降諭旨以大統付朕是大臣之內承旨者惟隆科多一

人今因罪誅戮雖於國法允當而朕心則有所不忍隆科多免其正法於

一犯四十
款

暢春園外附近空地造屋三間永遠禁錮其妻子亦免入辛者庫伊子岳興阿著革職玉柱著發往黑龍江當差

附記

隆科多為帝元舅帝即位之初恩遇最隆任吏部時官吏銓考任意引用帝不之罪有清一代任用官吏不經奏請者前後三人第一為平西王吳三桂當據雲南時擅

選用私人但申報中央吏部而已時人號為西選第二為撫遠大將軍羹堯在西邊行營時引用私人但申報中央而已稱為年選第三即隆科多任吏部尙書時官吏銓選任意升補

稱為冬選蓋帝當即位之初隆科多獨受顯命放寵任備至及諸王既誅帝之大位日益安固對於冬選不容再寬特借私鈔玉牒事坐以四十一款幽之於暢春園外之禁獄是年冬

竟幽死獄中論者謂帝對於隆科多受命之日即思是死期已至之時故當日帝之嗣立其時獄詞有云妄擬諸葛亮奏稱自帝多受命之日即思是死期已至之時故當日帝之嗣立其時

昧情事概可想見尤可疑者上諭既云皇考升遐之日召朕之兄弟及隆科多入見面降諭旨而獄詞又稱聖祖仁皇帝升遐之日隆科多並未在御前云云是則讞案認書前後自相

矛盾欲加之罪何患無辭要之隱微畢露欲蓋彌彰其能欺後世耳目哉

圖 詔減嘉興湖州兩府額徵銀十分之一 **圖** 諭戶部查各省中賦稅最

多者莫如江南之蘇松浙江之嘉湖每府多至數十萬兩地方百姓未免

難於輸將其賦稅加重之由始於明初以四府之人為張士誠固守故平

定之後籍諸富民之田以為官田按私租為額稅有明二百餘年減復不

一我朝定鼎以來亦照明例徵收蓋因陸續辦理軍需經費所在未便遽

行裁減皇考常論及此雍正三年將蘇松二府額徵浮糧豁免彼時諭旨

甚明本欲一體加恩嘉湖二府因浙江風俗澆漓正須化導故爾暫止今

詔減嘉
湖兩府
額徵銀

更定苗民姓氏

見浙俗漸次轉移朕心甚慰查嘉興額徵銀四十七萬二千九百餘兩湖州額徵銀三十九萬九千九百餘兩俱著減十分之一二府共免銀八萬七千二百兩有奇永著為例

○十一月雲貴總督鄂爾泰更定苗民姓氏 ○雲貴總督鄂爾泰奏黔

省邊界生苗不納糧賦不受管轄隨其自便無所不為由來已久臣自剿撫長寨後生苗目睹長寨苗戶安居樂業各思投誠內附夷苗共一百八十四寨一千七百餘戶俱聞風向化並獻弓弩盔甲夷民半無姓氏名字雷同應行更定彙册報部令按年輸租帝以鄂爾泰辦理甚屬可嘉命由拜他喇布勒哈番加受一等阿達哈哈番世職

均攤江蘇安徽地丁銀

○十二月命江蘇安徽應徵丁地攤入銀畝徵收 ○戶部議准署兩江

總督范時繹奏丁隨糧辦最為均平良法請以雍正六年為始將江蘇安徽各州縣應徵丁銀均攤入地畝內徵收從之自是無業之民遂終身無納稅義務

以鉛廠山地賜安南

○戊申六年春正月以鉛廠山下地四十里賜安南國王 ○先是雍正三年四月原任雲貴總督高其倬奏安南國疆界有內地舊境一百二十

里應加清理於賭。呪河立界。安南國王具奏陳請。帝命雲貴總督鄂爾泰清查。給還八千里。於鉛廠山下小河以內四十里立界。安南國王復激切陳訴。帝以鄂爾泰所奏鉛廠山下地方山川形勢中外截然。頒敕諭之。安南國奉表陳謝。帝嘉其詞旨恭順。仍以四十里地賜之。

准用因
公註誤
人員

夏四月。准從前因公註誤人員來京候用。帝以從前因公註誤之員。其中未必無才守可觀者。命吏部行文各省。凡知府同知通判知州知縣任內。除大計特疏糾參外。其因公註誤降革者。該員曾經居官五年而離任之後。交代清楚。無錢糧案件未清之處。准本人親赴吏部具呈。吏部不拘人數。即行奏聞。考試履歷。帶領引見。候朕酌量起用。

以田文
鏡為河
東總督

五月。以河南巡撫田文鏡為河東總督。管理河南山東二省事務。

田文鏡漢軍正黃旗人。康熙末為內閣侍讀學士。雍正初遣祭華山。歸白山西荒歉。即命往山西放賑。稱旨。即授山西布政使。旋調河南。擢巡撫。至是以河南吏治為天下第一。特授為河東總督。管理河南山東事務。初文鏡為河南巡撫時。聞紹興有鄔先生者。有才名。延為幕賓。鄔先生曰。公欲為赫赫名撫乎。抑僅為尋常巡撫乎。文鏡曰。願為名撫。鄔先生曰。然則公

鄔先生

以嚴厲
苛刻爲
治

以李衛
管理江
蘇盜案

文武各
官受其
節制

任我爲之不可掣肘。文鏡曰：奈何。鄔先生曰：吾將爲公草一疏。然疏中一字不能使公見。此疏得上公之名，乃可立。文鏡許之。疏成，署文鏡名。上之。蓋彈劾國舅隆科多之疏也。疏上，隆科多果獲罪。而文鏡之寵遇遂日隆。自是文鏡一以嚴厲苛刻爲治。與帝意暗合。帝之寵信，幾與鄂爾泰張廷玉二大臣等。嘗語廷臣曰：使各省督撫能如田文鏡、鄂爾泰，則天下治矣。其信任之專如此。

綱秋七月，命浙江巡撫李衛管理江蘇七府五州盜案。 **目**衛字又玠，江

蘇錫山人。豪邁有膽識。任浙江巡撫，廉明有政聲。且善戢盜。帝甚信之。諭內閣曰：戢盜乃安民之首務。如江南蘇松等地方，盜案多於他處。而陳時夏等並未將積惡渠魁緝拿懲治。范時繹管轄三省，戢盜之才亦覺不足。是以下江地方盜風不息。浙省盜案向來亦多。自李衛蒞任以來，留心整理。匪類知所畏懼。文武屬員協力緝捕，不至漏網。李衛甚屬可嘉。著將江蘇所屬七府五州除錢糧刑名外，其一切盜案俱交與李衛管理。文武各官受其節制，有盡心緝捕及疏防貽誤者，聽其舉劾。遇有緝捕訪拿盜賊等事，各營兵聽其調遣。

按田文鏡升任河東總督，李衛管理江蘇盜案，俱爲特旨。帝之破格用人，大多類是。然衛故豪士，爲政頗疏節，苛且不苟。文鏡之伎

剗苛細。斯又二人。優劣所由分也。

准浙江
照舊考試

綱八月准浙江士子得照舊鄉會考試。帝初惡浙江人。停止其鄉會考試。特命李衛巡撫浙江。又命印國棟為浙江觀風整俗使。至是諭內閣。謂浙江士習澆薄。朕為世道人心計。不得不嚴加整理。今二年以來。李衛印國棟先後奏稱兩浙士子。感朕訓誨之恩。省愆悔過。將前日囂陵奔競之習。痛自改除。可稱士風不變。明年即屆鄉試之期。浙省士子准其照舊鄉會考試。

岳鍾琪
平喇世
窩番

綱冬十月四川喇汝窩番作亂。川陝總督岳鍾琪剿平之。岳鍾琪奏四川建昌鎮屬喇汝窩番人素行不法。嗣經擒勦平定。復有逆番了馬車糾黨搶劫。隨撥兵進勦。以次就禽。番疆悉平。

定銀一
兩換錢
一千

綱已酉七年春二月。詔定錢價。諭戶部。錢為國寶。固貴流通。以利民。然必權衡輕重。使得其平。方能便民。而無囤積私銷之弊。近聞馬蘭峪地方。奉天直隸數府。錢價過賤。民間貿易物價必致虧損。且恐姦弊從此而生。嗣後錢價每銀一兩。止許換大錢一千文。著該部行文各省督撫。轉飭各地方遵行。以為經久平準之定則。

噶爾丹
策零大
寇

傅爾丹
岳鍾琪
兩路出
師

下會靜
獄劉呂
留良

○三月準會噶爾丹策零入寇以領侍衛內大臣傅爾丹爲靖邊大將軍
川陝總督岳鍾琪爲寧遠大將軍分兩路出征 ○初青海叛酋羅卜藏
丹津之投準噶爾也朝廷遣使索之而準會策零阿拉布坦抗不出獻雍
正五年策零卒子噶爾丹策零嗣位噶爾丹策零年少好用兵驍桀如其
父又善馭士卒諸台吉皆樂爲之用屢率兵侵掠邊疆不已時大將軍年
羹堯已被殺征西軍已撤帝恐準噶爾一旦有變則喀爾喀青海西藏必
被擾亂爲中國隱憂議遣將討之大學士朱軾都御史沈近思皆以時機
未至爲言惟大學士張廷玉獨主用兵與帝意合遂定議分兩路出師一
由北路命內大臣傅爾丹爲靖邊大將軍自阿爾泰山進兵一由東路命
岳鍾琪爲寧遠大將軍自巴里坤進兵期以明年會攻伊犁會羅卜藏丹
津與其族屬謀殺策零事覺被執於是策零欲藉以爲緩師地遣使請和
謂將執丹津致諸中國因聞師出而止若朝廷赦其既往當以丹津獻帝
許之

○夏五月下湖南會靜獄劉已故浙江呂留良尸盡誅其族 ○會靜湖
南靖州人以應試州城獲見浙人呂留良評選詩文內有夷夏之防及封

留良自稱故國遺民

張熙上書

歷舉雍正九罪

建井田等語遂遣其徒張熙至呂留良家求其著述呂留良者浙江石門人其先故明時王府儀賓留良入清應試補諸生數舉鄉試不第憤而棄去講學於鄉里其子葆中舉進士第二人官翰林而留良自稱故國逸民不肯降志所著筆記等書於清朝事不稍避諱而詆康熙時政尤多不謹之辭留良死書藏於家比張熙至葆中悉以留良遺書授之熙又訪得留良之徒嚴鴻逵與鴻逵之徒沈在寬等往來投契遂起革命之想時帝抑制宗室猜忌功臣允禩允禵年羹堯等先後獲罪其徒黨造作流言指斥乘輿靜等誤信其說謂有機可乘又聞大將軍岳鍾琪總督川陝爲年羹堯之部將其遠祖岳飛於金爲世仇清又金裔當並仇清又聞鍾琪再請陛見不蒙允許深自危懼遂命其徒張熙往鍾琪轅門託名投書歷舉帝之罪狀凡九條一曰謀害父皇謂帝之傳位由於強迫必非聖祖真意二曰偏母謂偏其母佟太后殉葬三曰弑兄謂廢太子允禔之死由帝陰殺四曰屠弟謂允禩允禵等死皆帝毒害五曰貪財六曰好殺七曰耽酒八曰淫色九曰誅忠用佞因力勸鍾琪擁兵舉義光復明祚書既上鍾琪閱畢大驚慮驟發覺必不能得其主謀乃陽爲贊同其說且與之訂盟誓共

呂留良
日記

殺御史
謝世濟

參劾田
文鏡

生死乃徐詢其孰爲畫此策者熙乃以其師曾靜對鍾琪又陽爲迎聘其師因亟入告捕靜熙入京師帝親鞫之靜熙始悟爲鍾琪所誤伏地請死並供稱因應試州城得見呂留良評選詩文及與其徒嚴鴻逵沈在寬等往來投契等語帝卽傳命浙江總督李衛查拏呂留良嚴鴻逵沈在寬等家藏書籍所獲日記及案內人犯一併解京研訊並發看留良日記等書讞既定俱定大逆凌遲處死帝以靜熙等止誣朕躬而留良辱及先帝其罪更在靜熙之上時留良父子及嚴鴻逵等俱已死詔皆剖棺剖尸梟示沈在寬着凌遲處死而特赦曾靜張熙二人免死回籍以示寬大

綱秋七月詔殺已革御史謝世濟尋釋之 目謝世濟廣西全州人以翰

林官御史入臺未浹旬卽露章面劾河南巡撫田文鏡不法狀時文鏡以嚴酷得幸世宗閱奏頗不懌諭之曰文鏡能臣朕倚畀方深爾毋惑浮言誣奏擲還其疏濟世伏地不肯起爭益力帝震怒先是文鏡疏劾所屬知縣黃振國黃故儒士適直隸總督李紱以事過汴斥文鏡有心蹂踐讀書人文鏡密奏之謂紱與振國同年黨援交結欲爲被劾諸人謀報復已而紱果劾文鏡訟振國寃時帝方深惡科第黨援之習思痛繩以法會濟世

疏中亦及振國事帝益疑爲朋黨命九卿科道集刑部嚴訊濟世辨甚力
尙書勵杜納究問指使之入濟世曰孔孟耳曰何故曰讀孔孟書自當忠
諫見奸弗擊非聖賢之訓也獄上擬大辟詔免死發阿爾泰軍前効力已
而順承郡王錫保以濟世所註釋之古本大學入奏謂其毀謗程朱帝大
怒於雍正七年八月諭內閣略謂朕觀謝濟世所註之書不止毀謗程朱
乃用大學內見賢而不能舉兩節言人君用人之道借以抒寫其怨望誹
謗之私其註有拒諫飾非必至拂人之性驕泰甚矣等語觀此則謝濟世
之存心昭然可見朕卽位以來於用人之際至公無私不惟可以自信亦
天下臣民所共知者謝濟世於公正任事之田文鏡則肆行誣參於婪贓
不法之賈贊國以及黨護鑽營之李紱蔡珽邵言綸汪誠等則甘聽其指
揮而爲之報復乃真顛倒是非紊亂黑白好惡拂人之性天理國法所不
能容舊已遷身而猶不知省懼何其謬妄至於此極云云廷議坐以誹謗
令軍前正法將刑縛至市曹諸受業皆哭送且設祭邸舍忽奉旨赦歸酒
尙溫炷香未爐也笑語諸弟子曰生受可乎諸弟子執爵言曰先生真不
動心哉初濟世之至戍所也偕同戍者謁將軍問謁見儀節或告之曰三